

四庫全書

史部

欽定四庫全書

史部

資治通鑑卷二百二十二

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣秦聯登

欽定四庫全書

資治通鑑卷二百二十二

宋司馬光撰

胡三省音註

唐紀三十八

起重光赤符若盡昭陽
並開六月凡二年有奇

肅宗文明武德大聖大宣孝皇帝下之下

上元二年春正月癸卯史思明改元應天 張景超引

兵攻杭州敗李藏用將李彊於石夷門

敗補遺翻將
即亮翻下同

待封自武康南出

吳分爲程餘杭二縣置永安縣晉
改爲永康又改爲武康唐屬杭州

將

會景超攻杭州

自武康南出過狗頭嶺至杭州五十里

溫晁據險擊敗之

去年李藏用使溫晁屯餘杭餘杭東至杭州錢塘縣界一十八里又東二十七里則至杭州此陸路也故溫晁待趨而據險以敗孫待封待封脫身奔烏程李可封以常州降丁未

田神功使特進楊惠元等將千五百人西擊王昶

昶登戶

辛亥夜神功先遣特進范知新等將四千入自白沙濟

西趣下蜀鄧景山將千人自海陵濟東趣常州

趣七喻翻下同

神功與邢延恩將三千人軍于瓜洲壬子濟江展將步

騎萬餘陳于蒜山

陳讀曰陣蒜山在潤州城西三里其上多蒜故名蒜蘇貫翻

神功

以舟載兵趣金山會大風五舟飄抵金山下

金山在大江中南直

西津渡口去

展屠其二舟沈其三舟

沈持林翻

神功不得度

潤州城七里

還軍瓜洲而范知新等兵已至下蜀展擊之不勝弟殷

勸展引兵逃入海可延歲月展曰若事不濟何用多殺

人父子乎死早晚等耳遂更率衆力戰

帥讀曰率

將軍賈隱

林射展中目而仆遂斬之

射而亦闕中竹仲翻實錄云乙卯平盧兵馬使

考異

田神功生擒逆賊劉展舊神功傳亦然今從劉展亂紀

劉殷許嶧等皆死

嶧音亦

隱

林滑州人也楊惠元等擊破王晁于淮南晁引兵東走

至常熟乃降

王昶東走度江而至常熟晉分吳縣置海虞縣梁立信義郡南沙縣隋平陳廢郡并

海虞南沙海陽前京信義興國等縣為常熟縣屬蘇州

孫待封詣李藏用降張景

超聚兵至七千餘人聞展死悉以兵授張灋雷使攻杭

州景超逃入海灋雷至杭州李藏用擊破之餘黨皆平

平盧軍大掠十餘日

田神功所將平盧兵也

安史之亂亂兵不及

江淮至是其民始罹荼毒矣

方異曰劉展亂紀孫待封降以下事在二月令因

展敗終言之

荆南節度使呂諲奏請以江南之潭岳郴邵

永道連黔中之涪州皆隸荆南從之

邵州漢召陵郡梁之地召陵後漢改

為昭陽晉改為邵陽吳立邵陵郡隋廢郡為邵陽縣屬
潭州唐武德四年分置南梁州貞觀十年更名邵州邠

丑林翻黔

其今翻

二月奴刺党項寇寶雞

奴刺西羌種落之名刺來葛翻至德

二載改陳倉縣為寶雞縣以其地
有秦時寶雞祠故也時屬鳳翔府

燒大散關南侵鳳州

殺刺史蕭悅

悅余世翻

大掠而西鳳翔節度使李鼎追擊破

之 戊辰新羅王金疑入朝

疑魚力翻

因請宿衛 或言洛

中將士皆燕人

燕於肩翻

久戌思歸上下離心擊之可破也

陝州觀軍容使魚朝恩以為信然屢言於上上勅李光

弼等進取東京光弼奏稱賊鋒尚銳未可輕進朔方節

度使僕固懷恩勇而愎

愎滿通翻

麾下皆蕃漢勁卒恃功多

不法郭子儀寬厚曲容之每用兵臨敵倚以集事李光

弼性嚴一裁之以法無所假貸懷恩憚光弼而心惡之

乃附朝恩言東都可取

史言僕固懷恩欲獲李光弼之軍以使其私惡焉故翻朝直達

翻

由是中使相繼督光弼使出師光弼不得已使鄭陳

節度使李抱玉守河陽與懷恩將兵會朝恩及神策節

度使衛伯玉攻洛陽戊寅陳於邙山光弼命依險而陳

懷恩陳於平原光弼曰依險則可以進可以退若平原

戰而不利則盡矣思明不可忽也命移于險懷恩復止

之史思明乘其陳未定

陳讀曰陣

進兵薄之官軍大敗死者

數千人軍資器械盡棄之

道

考異曰實錄云史思明潛間謀反說官軍曰洛中將

士久成思歸士多不睦魚朝恩以為然乃告光弼及僕固懷恩衛伯玉等曰可速出軍以掃殘寇光弼等然之今從舊光弼傳實錄曰光弼懷恩敗績步兵死者數萬今從舊思明傳

光弼懷恩度河走

保聞喜朝恩伯玉奔還陝抱玉亦奔河陽走河陽懷州

皆沒于賊朝廷聞之大懼益兵屯陝

相州之敗卽山之敗皆魚朝恩為之

也唐不以覆軍之罪罪朝恩而罷郭李兵柄失刑甚矣

李揆與呂諲同為相不

相悅

乾元二年李揆與呂諲同相上元元年諲罷

諲在荆南以善政聞揆恐

其復入相奏言置軍湖南非便

潭郢邵永道連皆在洞庭湖之南呂諲請兼領

之故揆言非其便復扶又翻

又陰使人如荆湖

荆謂荆南湖謂湖南

求諲過失

諲上疏頌揆罪癸未貶揆袁州長史以河中節度使蕭

華為中書侍郎同平章事史思明猜忍好殺

好呼到翻

羣

下小不如意動至族誅人不自保朝義其長子也

朝直遙翻

下朝清同長知兩翻

常從思明將兵頗謙謹愛士卒將士多附之

無寵於思明思明愛少子朝清使守范陽

朝清守范陽事始上卷上

年少時
照棚

常欲殺朝義立朝清為太子左右頗泄其謀思

明既破李光弼欲乘勝西入關使朝義將兵為前鋒自

北道襲陝城思明自南道將大軍繼之

南道出二嶠之間漢建安中曹

公西討巴蜀惡南路之險更開北道

三月甲午朝義兵至礪子嶺

即礪子阪也按

舊書礪子嶺在陝城東

衛伯玉逆擊破之

考異曰實錄作甲子按長曆此月丙戌朔下

有戊戌當作甲午

朝義數進兵皆為陝兵所敗

數所角翻敗補遺棚

思明

退屯永寧以朝義為怯曰終不足成吾事欲按軍法斬

朝義及諸將戊戌命朝義築三隅城

新書作三角城蓋一角依山止築其

三角也

欲貯軍糧

貯丁呂翻

期一日畢朝義築畢未泥思明至

詔怒之令左右立馬監泥斯須而畢

詔古侯翻監古衛翻

思明又

曰俟克陝州終斬此賊朝義憂懼不知所為思明在鹿

橋驛

鹿橋驛永寧傳舍也貞觀十七年嘗徙永寧縣於此

令腹心曹將軍將兵宿

衛朝義宿于逆旅

水經注陝城東有漫澗澗北有逆旅亭謂之漫口客舍此酈道元以一時

經由所見者言之耳自元魏至唐乾元上元間三百其許年矣漫口客舍必不復存此逆旅特汎言客舍耳其

部將駱悅蔡文景說朝義曰

說式芮翻

悅等與王死無日矣

自古有廢立請召曹將軍謀之朝義俛首不應

悅音免

悅

等曰王苟不許悅等今歸李氏王亦不全矣朝義泣曰

諸君善為之勿驚聖人

當時臣子謂其君父為聖人

悅等乃令許叔

冀之子季常召曹將軍至則以其謀告之曹將軍知諸

將盡怨恐禍及已不敢違

令力丁翻將即亮翻

是夕悅等以朝義

步兵三百被甲詣驛

被皮義翻

宿衛兵怪之畏曹將軍不敢

動悅等引兵入至思明寢所值思明如廁問左右未及

對已殺數人左右指示之思明聞有變踰垣至廐中自

韜馬乘之

韜平秘翻

悅僉人周子俊射之

僉丁念翻射而亦翻

中臂墜

馬遂擒之

中竹仲翻

思明問亂者為誰悅曰奉懷王命

思明封朝

義為懷王

思明曰我朝來語失

謂欲斬朝義也

宜其及此然殺我太

早何不待我克長安今事不成矣悅等送思明于柳泉

驛囚之

唐制三十里一驛柳泉驛又當在鹿橋驛東三十里

少者為尊惟愛所鍾即為繼嗣欲殺朝義追朝清為偽太子左右泄之父子之隙自此始構邪志曰三月思明乘勝欲下陝城使朝義帥銳卒北路先往已自宜陽引眾繼之今從實錄舊傳

還報朝義曰事

成矣

還從宣翻朝直逆翻

朝義曰不驚聖人乎悅曰無時周摯許

叔冀將後軍在福昌

將即亮翻又音如字福昌又在柳泉驛之東宋白曰福昌縣唐屬洛

州古宜陽地今縣
治魏一衆塢城

悅等使許季常往告之摯驚倒于地

朝義引軍還摯叔冀來迎悅等勸朝義執摯殺之軍至

柳泉悅等恐衆心未壹遂縊殺思明

縊一計翻
又於賜翻

以氈裹

其尸橐駝負歸洛陽朝義即皇帝位改元顯聖密使人

至范陽勅散騎常侍張通儒等

散昔亶翻
騎奇計翻

殺朝清及朝

清母辛氏并不附已者數十人其黨自相攻擊戰城中

數月死者數千人范陽乃定

去年若果能使郭子儀自
朔方直擣范陽逼值城中

自相攻擊可
馳微而下也

朝義以其將柳城李懷仙為范陽尹燕京

留守

燕因肩榑守武又翻考異曰實錄曰朝義既殺

辛氏并不附己者數十人偽范陽留守張通儒知有變

遂引兵戰於城中數日戰不利死者數千人通儒被斬

于亂兵中薊門紀亂曰思明既王有數十州之地年餘

朝興遠為皇太子朝興辛氏之長男特為思明所愛嗜

酒好色凶獷頑戾招集幽薊惡少與其年齒相類者百

餘人為左右皆彎弓利劍飾以丹牐珠玉帶佩印雕鏤

金銀控弦揮刀常如見敵以南行大將子弟統之每與

其黨飲宴酒酣焚燎其鬚髮或以銅鞮丸擊之以頤頰

為的血流至地無楚痛之色則賞卮酒少似頻感乃觀

之從腰至臚或至數十因絕將殞方捨之候稍愈復鞭

之有杖六七千不死者姬妾皆思明所掠良家子有不

稱命則殺之亦有以湯護死者既大咸湯沸令壯士抱

而投之初宛轉叫呼須臾骨肉糜爛旁人皆毛豎股慄

朝興笑臨而觀之以所策毬杖于護中撞擊顏色自若

上元二年三月甲寅使使告捷云王師敗績于洛北斬
首萬餘級勒其六宮及朝興備車馬為赴洛之計賊庭
之黨相慶踊躍叫喚聲振天地十餘日又宦者二人傳
思明偽勅云收兵陝虢以朝興為周京留守仍勒馳驛
速發并辛氏已下續行朝興大喜其宦者朝義偽遣之
人莫知也時朝義已殺思明僭位潛勒偽左散騎常侍
張通儒戶部尚書康孝忠與朝興衙將高鞠仁高如震
等謀誅朝興其日朝興遣召工匠與其母妻造寶鈿鞍
勒搜索庫藏修乘騎之具並命左右各備行裝唯數十
人侍衛思明留駿馬百餘匹在其廐中朝興出入馳驟
每日則於桑乾河飲之通儒將入潛令康孝忠從數十
人持兵詣飲處馳取其馬閉於城南毗沙門神院通
儒與鞠仁領步兵十餘人入其日華門偽皇城留守劉
象昌逢之驚問其故通儒顧左右斬之俄而朝興腹心
衛鴻鶴又問亦斬之子城擾亂朝興惶怖猶能擐甲持
兵與親信二三十人出拒奔走于廐中取馬盡矣唯

病馬一匹朝興乘而策之不前遂步戰通儒立白旗招
朝興之黨降者捨罪復官爵惡少等雖沐朝興之錫賚
亦怨其無道鞭撻降者大半朝興猶從十餘人接戰弓
矢所發無不中者中者皆應弦沒羽通儒軍披靡所傷
者數十百人退出子城外人不知甲兵之故皆惶恐潛
匿通儒于城門拒戰良久日已云暮朝興衆寡不敵走
匿城上之逍遙樓遂失所在通儒兵入禁中劫掠金帛
思明朝興妻衣服皆盡夜半將曹閔之於樓上擒獲
之朝興曰我兄弟六七人朝興一身斬之何益高如雲
對曰以殿下殘酷人各有怨心朝興曰乞教此一度後
更不敢執者皆笑又謂閔之曰此腰帶三十兩黃金新
造謹奉將軍閔之曰殿下但死腰帶閔之自解取左右
益笑縊以弓弦斷其首函送洛陽偽侍中向閔客持受
思明安託朝興亦甚敬憚至是惶怖走入私第不自安
閔伺待罪通儒領之勒馳驛赴洛通儒收朝興黨與悉
誅之思明號將辛萬年持有寵于朝興又與鞠仁如震

等友善為兄弟當誅朝興之黨也通儒有意於萬年及
令行刑遂忘之至是勅鞠仁如震斬萬年首送鞠仁置
酒與萬年同飲謂曰張尚書令殺弟故相報萬年稽首
但乞快死鞠仁抗聲曰只可兄弟謀取通儒終不肯殺
弟於是如震萬年領其部曲百餘人入子城斬通儒於
子城南廊下城中擾亂又殺其素不快者軍將數人共
推偽中書令阿史那承慶為留守函通儒等首使萬年
送洛陽誣其欲以薊城歸順朝義聞之使使令向閨客
所在却回為留守鞠仁如震等各從數百人被甲巡城
城中人心彌懼承慶為留守一兩日又不自安遙相疑
阻於是領舊兵數十騎出子城至如震宅門立令屈將
軍暫要相見如震不虞有難馳至馬前承慶斬之應聲
而殞承慶入東軍與偽尚書康孝忠招集蕃羯鞠仁聞
如震遇害驚而且怒統麾下軍討之相逢于宴設樓下
接戰自午至酉鞠仁兵皆城旁少年驍勇勁捷馳射如
飛承慶兵雖多不敵大敗殺傷甚眾積尸成丘承慶孝

忠出城收散卒東保潞縣又南掠屬縣野營月餘徑詣洛陽自陳其事城中蕃軍家口盡踰城相繼而去鞠仁令城中殺胡者皆重賞於是鞠胡俱殫小兒皆擲於空中以戈承之高鼻類胡而濫死者甚衆時鞠仁在城中最尊使使奏朝義以承慶等反向閭客行至貝州承朝義命迴將至衆官迎之鞠仁嚴兵不出閭客甚懼戒其子弟從者無帶兵器從數人而入鞠仁待之於日華門閭客望見下馬執手相慰鞠仁亦抗禮還營閭客但專守子城端坐餘不敢輒有所問奏承慶等使迴朝義以鞠仁為燕京都知兵馬使五月甲戌朔朝義以偽太常卿李懷仙為御史大夫范陽節度使燕州頗有兵甲故委腹心鞠仁聞之意不快也無何懷仙至從羸馬數千自薊城南門入鞠仁不出迎之於日華門懷仙至卑身過禮立談約為兄弟結盟相固期同保燕邦以獎其主鞠仁意少解懷仙以薊縣為節度院雖任節制鞠仁兵五十餘人皆不受命十數日懷仙待之彌厚每衙皆降

階爰接鞠仁亦不為之屈既而懷仙命饗軍士中宴鞠
仁疑有變兵皆驚走還營被甲懷仙憂懼無計遂囚其
牙將朱希彩責以驚軍中之罪其夜鞠仁將襲懷仙過
大雨持疑未決徹明遂止單騎至節度門懷仙已潛備
壯士待之鞠仁遽入懷仙亦不改常禮與坐良久乃問
驚軍之罪門已闕顧左右拉殺之立捨希彩自暮春至
夏中兩月間城中相攻殺凡四五死者數千戰鬪皆在
坊市閭巷間但兩敵相向不入人家剽劫一物蓋家家
自有軍人之故又百姓至於婦人小童皆閑習弓矢以
此無虞六月丙申宣思明遺詔發喪將相百僚編素哭
于其聽政樓前卑幼相視而笑笑聲與哭聲參半焉朝
義又追向閭客赴洛陽加懷仙燕京留守河洛春秋初
朝義令人與向貢并阿史那王殺朝清朝清既受父命
常有君臨之心惟以弋獵為務車下勇敢之士僅三千
人每日殺習然其殘酷頗有父風而加淫亂幽州士庶
無不吁嗟向貢高久仁等既見諸將之書又聞思明已

死因說朝清曰昨有密旨令大王主器承祧其事尤重
今敵國猶在上人未還倘更移恩于人誠恐自貽窮迫
朝清然之是日顧左右各令辭訣便自飭裝高久仁高
如震等及其無備率壯士數百人潛入子城門阿史那
王向貢等共率三百人繼至朝清時在卧内僕妾侍側
忽聞兵士問是何人門人曰三軍叛乃擐甲登樓責讓
向貢等高如震乃於樓下佯戰朝清自援弓射之凡斃
數人阿史那軍佯北朝清下樓向貢等令人擒殺之向
貢攝知軍事經四十日阿史那又殺向貢阿史那自稱
長史三日後斬高久仁以其首梟之殺朝清故也高如
震還固守與阿史那相持城中分兩軍經五日以燕州
街為界各自禦備迨相捉搦不得往來阿史那從經略
軍領諸蕃部落及漢兵三萬人至宴設樓前與如震會
戰如震不利乃使輕兵二十人于城東出直至經略
軍南街腹背而擊之并招漢軍萬餘人阿史那軍敗走
于武清縣界野營後朝義使招之盡歸東都應是胡面

不擇少長盡誅之於是朝義偽受李懷仙幽州節度高
如震旅拒之中承阿史那遁逸之後野行單次人各持
兵糗糧芻芟非戮不應朝義令兵士悉為高賈白衣先
行至幽州盡被捉為團練懷仙方自統五千餘騎直叩
薊門高如震方欲出師以抗其命慮其卒叛因出迎之
懷仙實內圖之且外示寬宥大行誘募咸捨厥愆於是
士衆帖然競皆欣戴乃大賞設經三日因東前却乃斬
高如震幽州遠平舊傳亦云朝義令人殺偽太子朝英
新傳作朝清今從河洛春秋及新傳餘從薊門紀亂

時洛陽四面數百里州縣皆
為丘墟而朝義所部節度使皆安祿山舊將與思明等

夷朝義召之多不至

朝直達副使疏更副將即亮副

略相羈縻而已不

能得其用 李光弼上表固求自貶

上時掌

制以開府儀

同三司侍中領河中節度使術士長塞鎮將朱融

新據

書長塞鎮當在蔚州界唐制上鎮將正六品下中鎮將正七品上下鎮將正七品下與左武衛將

軍竇如玢等

玢音

謀奉嗣岐王珍作亂金吾將軍邢濟

告之夏四月乙卯朔廢珍為庶人漆州安置其黨皆伏

誅

嗣祥史翻漆茲誅翻

珍業之子也

岐王業上皇之弟

丙辰左散騎常侍

張鎬貶辰州司戶鎬嘗買珍宅故也

散昔豈翻騎奇計翻鎬下老翻辰州

瀘溪郡漢辰陵沅陵義陵縣地舊志辰州京師南微東三千四百五里

己未以吏部侍

郎裴遵慶為黃門侍郎同平章事

乙亥青密節度使

尚衡破史朝義兵斬首五千餘級 丁丑充鄆節度使

能元皓破史朝義兵郭音運能 壬午梓州刺史段子

璋反子璋驍勇從上皇在蜀有功梓州梓潼郡漢鄆縣廣漢氏道地驍坐堯

翻東川節度使李奐奏替之替代也 子璋舉兵襲奐于綿

州綿州治巴西漢之涪縣也 道過遂州刺史號王巨蒼黃修屬郡禮

迎之梓遠二州並屬東川節度蓋列郡也巨修屬郡禮以迎子璋示卑服之意 子璋殺之李

奐戰敗奔成都子璋自稱梁王改元黃龍以綿州為龍

安府置百官又陷劔州劔州治普安之梓潼縣也 五月己丑李

光弼自河中入朝 初李輔國與張后同謀遷上皇於

西內

遷上皇見上卷上年

是日端午山人李唐見上上方抱幼女

謂唐曰朕念之卿勿怪也對曰太上皇思見陛下計亦如陛下之念公主也上泣然泣下

泣胡歛翻

然畏張后尚不

敢詣西內 癸巳党項寇寶雞 初史思明以其博州

刺史令狐彰為滑鄭汴節度使將數千兵戍滑臺

滑州古滑

也彰密因中使楊萬定通表請降徙屯杏園度思明疑

之遣其將薛度圍之彰與度戰大破之因隨萬定入朝

甲午以彰為滑衛等六州節度使

滑衛相貝魏博六州

戊戌平

盧節度使侯希逸擊史朝義范陽兵破之 乙未西川

節度使崔光遠與東川節度使李奐共攻綿州庚子拔

之斬段子璋 復以李光弼為河南副元帥太尉兼侍

中都統河南淮南東西山南東荆南江南西浙江東西

八道行營節度

考異曰實錄舊紀皆云光弼都統河南淮南山南東江東五道唐歷會要為

河南淮南東西山南東荆南五道劉展亂紀又有江西浙東浙西凡八道按袁晁亂浙東光弼討平之則是浙

東亦其統內也今從之復扶又翻帥所類翻統他綜翻

出鎮臨淮

臨淮郡泗州

六月

甲寅青密節度使能元皓敗史朝義將李元過

按上卷五年冬

書充郾節度使能元皓詳考本
未青密恐當作充郾敗補賣翻

江淮都統李岷畏失

守之罪

失守事見上卷
上年岷戶登翻

歸咎於浙西節度使侯令儀丙

子令儀坐除名長流康州

康州因晉康郡而名治端溪
縣至京師五千七百五十里

東都五千一百五十里

加田神功開府儀同三司

賞平劉展之功也

徙徐

州刺史

自平盧兵馬
使徙刺徐州

徵李岷鄧景山還京師

還從宣翻
又音如字

戊寅党項寇好時

党底朗翻時音止好時縣自漢至
後魏屬扶風後周省隋開皇十七

年置上宜縣屬京兆又有舊莫西縣十八年改曰好時
大業三年廢入上宜武德二年分醴泉置好時貞觀八

年廢上宜入岐陽二十一年省好
時岐陽復置上宜更上宜曰好時

秋七月癸未朔日

有食之既大星皆見

見賢
過翻

以試少府監李藏用為浙

西節度副使

少詩
照翻

八月癸丑朔加開府儀同三司李

輔國兵部尚書乙未輔國赴上

僕射尚書赴省供職
曰赴上上時掌翻

宰

相朝臣皆送之御厨具饌太常設樂輔國驕縱日甚求

為宰相上曰以卿之功何官不可為其如朝望未允何

朝息亮翻
朝直遙翻

輔國乃諷僕射裴冕等使薦已上密謂蕭華

曰輔國求為宰相若公卿表來不得不與華出問冕曰

初無此事吾臂可斷

斷丁管翻

宰相不可得華入言之上大

悅輔國衛之

衛戶絨翻

己巳李光弼赴河南行營 辛巳

以殿中監李若幽為鎮西北庭興平陳鄭等節度行營

及河中節度使

代李光弼

鎮絳州賜名國貞 九月甲申天

成地平節

上於景雲二年九月三日生以九月三日為天成地平節

上於三殿置道

場

南部新書大明宮中有麟德殿在仙居殿之西北此殿三面亦以三殿為名雍錄麟德殿在翰林院之東

以宮人為佛菩薩

釋典曰菩薩也言能普濟衆生也

武士為金剛神

王

范成大曰在處寺門有兩金剛神是千佛數中最後者一名婁至德一名青葉髻

召大臣膜

拜圍繞

膜莫呼翻

壬寅制去尊號但稱皇帝去年號但稱

元年

去羌呂翻

以建子月為歲首月皆以所建為數因赦天

下停京兆河南太原鳳翔四京及江陵南都之號

四京見二

百二十卷至德元年載南都見上卷上年

自今每除五品以上清望官及郎

官御史刺史令舉一人自代觀其所舉以行殿最

令力丁翻

殿丁甸翻

江淮大饑人相食

冬十月江淮都統崔圓著

李藏用為楚州刺史

統他綜翻或從上聲考異曰劉

時賞未及李藏用崔圓乃署藏用為楚州刺史領二城而居盱眙按實錄七月藏用已除浙西節度副使蓋恩

命木到耳會支度租庸使以劉展之亂諸州用倉庫物無準

奏請徵驗

唐六典度支郎掌支度國用租賦多少之數凡天下邊軍皆有支度之使以計軍資糧仗

之用每歲皆申度支而會計之此支度租庸使蓋使之支度江淮租庸者也使疏史翻

時倉猝募

兵物多散亡徵之不足諸將往往賣產以償之藏用恐

其及已嘗與人言頗有悔恨其牙將高幹挾故怨使人

詣廣陵告藏用反先以兵襲之藏用走幹追斬之崔圓

遂簿責藏用將吏以驗之將吏畏皆附成其狀

將即亮翻附高

幹之言以成李藏用反狀

獨孫待封堅言不反圓命引出斬之或曰

子何不從衆以求生待封曰吾始從劉大夫奉詔書來

赴鎮

劉大夫謂劉辰赴鎮事見上卷上年

人謂吾反李公起兵滅劉大夫

今又以李公為反如此誰則非反者庸有極乎吾寧就

死不能誣人以非罪遂斬之

史言兵興之時多濫刑

建子月壬

午朔上受朝賀如正旦儀

以其月為歲首也朝直遙翻下同

或告鴻

臚卿康謙與史朝義通事連司農卿嚴莊俱下獄

臚陵如翻

朝直遙翻下遐嫁翻欲宜欲翻

京兆尹劉晏遣吏防守莊家上尋勅出

莊引見

見賢通翻

莊怨晏因言晏與臣言常道禁中語矜功

怨上丁亥貶晏通州刺史

通州通川郡漢宕渠縣地舊志通州京師西南二千五百

里莊難江尉

難江縣漢宕渠地梁置東巴州後魏恭帝改集州後周改宕渠為難江縣以水為名

也隋廢集州以縣屬梁州唐初復置集州以難江為治所謙伏誅戊子御史中丞元

載為戶部侍郎充白當度支鑄錢鹽鐵兼江淮轉運等

使

句古候翻當丁浪翻使徒洛翻使疏史翻

載初為度支郎中敏悟善奏對

上愛其才委以江淮漕運數月遂代劉晏專掌財利

戊戌冬至己亥上朝上皇於西內

朝直遙翻下同

神策節度

使衛伯玉攻史朝義拔永寧破澠池福昌長水等縣

永寧

通池福昌三縣時屬河南府通鑑充翻後魏分陝縣置
南陝縣西魏改曰長洲屬弘農郡唐初改名長水避高
祖諱也初屬穀州後屬洛州宋白曰長水縣本盧氏地
後魏延昌二年分盧氏東境庫谷以西沙渠谷以東為

南陝縣餘

已酉上朝獻太清宮庚戌享太廟元獻廟

同上注

太清宮在丹鳳門之左南出第二坊太廟在朱雀街
東第二街北來第二坊元獻廟上母元獻楊后廟也建

丑月辛亥朔祀圓丘太一壇

乾元元年立太一壇見二
百二十卷考異曰實錄

建子月戊戌冬至其日祀昊天上帝已亥詔以來月一
日祀圓丘及太一壇又云建丑月辛亥以河南節度使
來鎮為太子少保下又有丁未已酉庚戌日事又云建
丑月辛亥朔拜南郊祭太一壇按鎮傳未嘗為河南節
度使及少保實錄刪此一日事其冬
至祀上帝蓋有司行事非觀祀也

平盧節度使侯

希逸與范陽相攻連年救援既絕又為奚所侵乃悉舉其軍二萬餘人襲李懷仙破之因引兵而南

寶應元年

以楚州表言上帝賜寶
玉改元改元寶在四月

建寅月

去年九月勅
以建子月為

歲首而通鑑仍以建寅月為歲首者以是年
四月制復月數皆如其舊也改元亦在是月

甲申追尊

靖德太子琮為奉天皇帝妃竇氏為恭應皇后丁酉葬

于齊陵

琮上皇之長子天寶十載薨謚曰靖德太子新
書地理志齊陵在京兆昭應縣東十六里琮祖

宗
廟

甲辰吐蕃遣使請和

使疏
更翻

李光弼拔許州擒史

朝義所署潁川太守李春朝義將史參救之

許州潁川
郡唐已復

郡為州安史猶仍天寶舊
名守式又翻將即亮翻

丙午戰于城下又破之 戊

申平盧節度使侯希逸於青州北度河而會田神功能

元皓於兗州

使疏史翻
能奴代翻

租庸使元載以江淮雖經兵

荒其民比諸道猶有貲產乃按籍舉八年租調之違負

及逋逃者計其大數而徵之

八年自天寶十三載止上
元二年天寶十三載天下

本亂租調之入為歲十四載而祿山反租調始有違負
逋逃自是迄于去年大難未平戰兵不止違負逋逃年
甚一年今不問有無計其
大數而徵之調徒鈞翻

擇豪更為縣令而督之不問

負之有無貲之高下察民有粟帛者發徒圍之籍其所

有而中分之甚者什取八九謂之白著

著直略翻今人猶謂無故而費

散財物者為白著勃海高雲有白著歌曰上元官吏務剝削江淮之人多白著

有不服者嚴刑

以威之民有蓄穀十斛者則重足以待命

重直龍翻

或相聚

山澤為羣盜州縣不能制

建卯月辛亥朔赦天下復

以京兆為上都河南為東都鳳翔為西都江陵為南都

太原為北都

去年罷西京及南都復扶又翻又如字

奴刺寇成固

成固縣自

漢以來屬漢中刺來達翻

初王思禮為河東節度使資儲豐衍贍軍

之外積米百萬斛奏請輸五十萬斛於京師思禮薨

乾元

元年王思禮鎮太
原其薨當在去年

管崇嗣代之為政寬弛信任左右數

月間耗散殆盡惟陳腐米萬餘斛在

言見在米止此數

上聞之

以鄧景山代之景山至則鈎校所出入將士輩多有隱

沒皆懼有裨將抵罪當死諸將請之不許其弟請代兄

死亦不許請入一馬以贖死乃許之諸將怒曰我輩曾

不及一馬乎遂作亂

將即亮翻

癸丑殺景山上以景山撫御

失所以致亂不復推究亂者遣使慰諭以安之

復扶又翻

諸

將請以都知兵馬使代州刺史辛雲京為節度使雲京

奏張光晟為代州刺史

張光晟有德於辛雲京見上卷乾元二年

絳州素

無儲蓄民間饑不可賦歛

歛力贍翻

將士糧賜不充朔方等

諸道行營都統李國貞屢以狀聞朝廷未報軍中咨怨

咨嗟憂愁而怨上也

突將王元振將作亂

突將以領驍勇馳突之士突將即亮翻

矯

令於衆曰來日修都統宅各具畚鍤

畚布衣翻織竹為器鍤測洽翻鑿也

待命于門士卒皆怒曰朔方健兒豈修宅夫邪乙丑元

振帥其徒作亂燒牙城門

帥讀曰率

國貞逃于獄元振執之

置卒食於前曰食此而役其力可乎國貞曰修宅則無

之軍食則屢奏而未報諸君所知也衆欲退元振曰今日之事何必更問都統不死則我輩死矣遂拔刀殺之

鎮西北庭行營兵屯于翼城

翼城縣屬絳州本漢絳縣後魏曰北絳縣隋開皇十

八年改曰翼城以春秋翼侯邑於此也

亦殺節度使荔非元禮推裨將白

孝德為節度使朝廷因而授之 戊辰淮西節度使王

仲昇與史朝義將謝欽讓戰于申州城下為賊所虜淮

西震駭會侯希逸田神功能元皓攻汴州朝義召欽讓

兵救之 絳州諸軍剽掠不已

剽匹 妙翻

朝廷憂其與太原

亂軍合從連賊

從子容翻

非新進諸將所能鎮服辛未以郭

子儀為汾陽王知朔方河中北庭潞澤節度行營兼興

平定國等軍副元帥發京師絹四萬匹布五萬端米六

萬石以給絳軍建辰月庚寅子儀將行時上不豫羣臣

莫得進見

見賢通翻

子儀請曰老臣受命將死於外不見陛

下目不瞑矣上召入卧内謂曰河東之事一以委卿史

朝義遣兵圍李抱玉於澤州子儀發定國軍救之乃去

上召山南東道節度使來瑱赴京師瑱樂在襄陽其

將士亦愛之乃諷所部將吏上表留之行及鄧州復令

還鎮

樂音洛復扶又翻

荆南節度使呂誼淮西節度使王仲昇

及中使往來者言瑱曲收衆心恐久難制上乃割商金

均房別置觀察使令瑱止領六州

山南東道領襄鄧隨唐安均房金商九州

今分四州餘五州耳曰領六州無亦於鄧復二州增領一州邪

會謝欽讓圍王仲昇於

申州數月瑱怨之按兵不救仲昇竟敗沒行軍司馬裴

莪謀奪瑱位

莪如融翻

密表瑱屈彊難制

低其勿翻彊其兩翻

請以兵

襲取之上以為然癸巳以瑱為淮西河南十六州節度

使

考異曰舊傳無汝云十五州今從實錄

外示寵任實欲圖之密勅以裁

代瑱為襄鄧等州防禦使

甲午奴刺寇梁州

刺來達翻

觀

察使李勉棄城走

時山南西道觀察使置司梁州

以邠州刺史河西臧

希讓為山南西道節度使

山南西道節度領梁洋集壁文通巴興鳳利開渠達十三

州邠彌頻翻使疏吏翻錄作希讓代宗實錄有傳作希讓今從之

考異曰肅宗實

丙申党項

寇奉天

党底朗翻奉天縣屬雍州

李輔國以求宰相不得怨蕭華

求相不得事見上上元二年八月相息亮翻

庚午以戶部侍郎元載為京兆

尹載詣輔國固辭輔國識其意壬寅以司農卿陶銳為

京兆尹輔國言蕭華專權請罷其相上不許輔國固請

不已乃從之仍引元載代華

考異曰舊華傳云肅宗寢疾輔國矯命罷華相今

從輔國傳

戊申華罷為禮部尚書以載同平章事領度支轉

運使如故

尚辰羊翻度徒洛翻

建巳月庚戌朔

建巳月四月也

澤州刺史

史李抱玉破史朝義兵於城下

朝直遙翻

壬子楚州刺史

崔旆表稱有尼真如恍惚登天見上帝賜以寶玉十三

枚

旆疎臻翻恍惚廣翻尼女夷翻惚音忽唐會要十三寶一曰玄黃天符如笏長八寸闊三寸上圓下方近

圓有孔黃玉也二曰玉雞毛文悉備白玉也三曰穀璧白玉也徑可五六寸其文粟粒無雕鐫之迹四曰西王

欽定四庫全書

卷二百二十二

母白環二枚白玉也徑六寸五曰碧色寶圓而有光
六曰如意寶珠圓如雞卵光如月七曰紅韎韐大如巨
栗赤如櫻桃八曰琅玕珠二枚長一寸二分九曰玉玦
形如玉環四分缺十曰玉印大如半手斜長理如鹿形
陷入印中以印物則鹿形著焉十一曰皇后採桑鉤長
五六寸細如筋屈其末似金又似銀十二曰雷公石斧
長四寸闊二寸無孔細緻如青玉十三曰缺
凡十三寶置于日中皆白氣連天僊所臻翻云中國有
災以此鎮之羣臣表賀 甲寅上皇崩于神龍殿神龍殿蓋

中宗於神龍間
居之遂以名殿

年七十八乙卯遷坐于太極殿

坐祖
神御

也 上以寢疾發哀於內殿羣臣發哀於太極殿

內殿
居大明

宮之寢殿也太極殿
西內前殿大行所御

蕃官勞面割耳者四百餘人

藩
里

丙辰命苗晉卿攝冢宰上自仲春寢疾聞上皇登遐哀

慕疾轉劇乃命太子監國

冢而龍翻監古銜翻

甲子制改元

改元實應

復以建寅為正月月數皆如其舊

復扶又翻

赦天下

初張

后與李輔國相表裏專權用事

見上卷乾元二年

晚年更有隙

內射生使三原程元振黨於輔國

以宦官領射生手故曰內射生使

上

疾篤后召太子謂曰李輔國久典禁兵制勅皆從之出

擅逼遷聖皇

玄宗尊號曰聖皇天帝

其罪甚大所忌者吾與太子

今主上彌留

書顧命曰病日臻既彌留言病日至一日愈留而不去體也

輔國陰與

程元振謀作亂不可不誅太子泣曰陛下疾甚危二人
皆陛下勲舊之臣一旦不告而誅之必致震驚恐不能
堪也后曰然則太子姑歸吾更徐思之太子出后召越
王係謂曰太子仁弱不能誅賊臣汝能之乎對曰能係
乃命內謁者監段恒俊選宦官有勇力者二百餘人授
甲於長生殿後恒戶登翻乙丑后以上命召太子元振知其
謀密告輔國伏兵於陵霄門以俟之雍錄六典大明宮
圖宮城北面玄武
門之西有青霄門閣本太子至以難告難乃太子曰必
大明宮閣作陵霄門

無是事主上疾亟召我我豈可畏死而不赴乎元振曰

社稷事大太子必不可入乃以兵送太子於飛龍廐

飛龍

廐仗內六閑之一也程大昌曰在玄武門外

且以甲卒守之是夜輔國元振

勒兵三殿收捕越王係段恒俊及知內侍省事朱光輝

等百餘人繫之以太子之命遷后于別殿時上在長生

殿使者逼后下殿并左右數十人幽於後宮宦官宮人

皆驚駭逃散丁卯上崩

年五十二

輔國等殺后并係及兇王

間

間下報翻

考異曰肅宗實錄曰張后因太子監國謀誅輔國其日使人以上命名太子語之太子不可

乙丑后矯上命將喚太子程元振知之密告輔國丙寅
元振與輔國夜勒兵於三殿前使人收捕越王及同謀
內侍朱光輝段恒俊等百餘人繫之移皇后于別殿其
夜六宮內人中官等驚駭奔走及明上崩代宗實錄曰
乙丑皇后召上既夜輔國元振勒兵捕係幽后丁卯肅
宗崩係傳乙丑后召太子丙寅夜元振輔國勒兵捕係
幽后是日俱為輔國所害舊肅宗紀丁卯宣遺詔是日
上崩代宗紀乙丑皇后矯詔召太子輔國元振衛從太
子入飛龍殿以俟變是夕勒兵於三殿收係及朱光輝
馬英俊等丁卯肅宗崩新本紀丙寅闕殿使李輔國飛
龍殿副使程元振遣皇后于別殿殺越王係充王閻是
夜皇帝崩代宗錄唐歷統紀係傳皆以段恒俊為馬英
俊按張后以乙丑日召太子迫夜不至時必知有變矣
輔國等安能待至來夜然後勒兵收係等乎蓋收係等
在乙丑之夜也今從代宗實錄舊代宗紀新舊傳皆云
充王閻寶應元年薨而代宗實錄羣臣議係閻之罪云

二王同惡共扇姦謀蓋
個亦預謀也今從之

是日輔國始引太子素服於九

仙門與宰相相見

閣本大明宮圖宮城西面右銀臺門之北有九仙門又北轉東則凌雲門

相息亮翻

敘上皇晏駕拜哭

敘自上皇晏駕後宮中多故不見輔臣

始行監國

之令

命太子監國在甲子前而乙丑即有內變既定乃始行令監古咸翻

戊辰發大行皇

帝喪於兩儀殿宣遺詔

肅宗病于東內寢殿發喪于西內朝從上皇也上皇梓宮在

西內

已巳代宗即位

高力士遇赦還至朗州

上元元年高力士

士流巫州遇赦還至朗州自朗至京師尚二千二百五十九里赦者甲子赦也還從宣翻又音如字

聞上

皇崩號慟嘔血而卒

力士流見上卷上元元年號戶刀翻卒子恤翻

甲戌以

皇子奉節王适為天下兵馬元帥

奉節縣名蜀先主改魚復縣為奉節縣帥

所類

李輔國恃功益橫明謂上曰大家但居禁中外

事聽老奴處分

於上前明言之無所忌憚橫

上內不能

平以其方握禁兵外尊禮之乙亥號輔國為尚父而不

名

齊太公輔周武王號師尚父今以其號寵中人

事無大小皆咨之羣臣出入

皆先詣輔國亦晏然處之

史言李輔國凶惡處昌呂翻

以內飛龍廐

副使程元振為左監門衛將軍知內侍省事朱光輝及

內常侍啖庭瑤山人李唐等二十餘人皆流黔中

自朱光輝

以下皆大行左右監古衛
翻啖徒覽翻照其今翻

初李國貞治軍嚴治直朔

方將士不樂樂音洛皆思郭子儀故王元振因之作亂子

儀至軍元振自以為功子儀曰汝臨賊境絳州東與河南接界時賊

又據河陽河內政云然輒害主將若賊乘其釁釁隙也將即亮翻無絳州

矣吾為宰相豈受一卒之私邪五月庚辰收元振及其

同謀四十人皆殺之相息亮翻考異曰實錄云子儀至軍撫循士衆潛問罪人得害國

貞者王元禮等四十人為首者斬餘並決殺郭志曰七月郭公到朔方行營舊傳曰三月子儀辭赴鎮汾陽家

傳曰建辰月十一日發上都二十七日至絳州五月二
日斬元振等三十人今元振名從諸書月日從家傳人

數從實錄

辛雲京聞之亦推按殺鄧景山者數十人誅之由

是河東諸鎮率皆奉法

郭子儀誅王元振而河東諸鎮皆奉法僕固懷恩分河北諸州

授田承嗣等以成藩鎮之禍用人可不謹哉

壬午以李輔國為司空兼中

書令 党項寇同官華原 甲申以平盧節度使侯希

逸為平盧青淄等六州節度使

青淄齊沂密海六州淄州治淄川本漢般陽縣

宋僑立清河郡及貝丘縣魏為東清河郡隋置淄州取淄水為名

由是青州節度有平

盧之號 乙酉徙奉節王适為魯王

适古活翻

追尊上母

吳妃為皇太后

吳妃事肅宗于東宮生上而薨

壬辰貶禮部尚書蕭

華為峽州司馬元載希李輔國意

輔國以不相銜華

以罪誣之

也勅乾元大小錢皆一當一民始安之

民不便乾元二品錢見上

卷乾元二年

史朝義自圍宋州數月城中食盡將陷刺史

李岑不知所為遂城果殺開封劉昌曰

易州有遂城府開封漢縣唐屬

汴州漢故縣在今縣南五十里杜佑曰天寶以後邊帥怙寵便請署官易州遂城府坊州安塞府別將果殺之類每一制則同授千餘人倉中猶有麴數千斤請屑食之不過二十

日李太尉必救我

李太尉謂光弼

城東南隅最危昌請守之李

光弼至臨淮諸將以朝義兵尚彊請南保揚州光弼曰

朝廷倚我以為安危我復退縮朝廷何望

復扶又翻

且吾出

其不意賊安知吾之衆寡遂徑趣徐州

趣七喻翻

使兗鄆節

度使田神功進擊朝義大破之先是田神功既克劉展

去年正月神功克劉展先悉薦翻下同

留連揚州未還太子賓客尚衡與

左羽林大將軍殷仲卿相攻于兗鄆

考異曰衡上元元年為淄青節度

使此年五月田神功自淄青移兗鄆六月衡自賓客為常侍七月仲卿自左羽林大將軍為光祿卿而得相攻於兗鄆者蓋衡猶未離淄青仲卿亦在彼雖有新除官皆未肯入朝也

聞光弼至憚其威

名神功遽還河南

此河南總言河南道

衡仲卿相繼入朝

考異曰舊傳

云朝義乘北印之勝寇中光等十三州自領精兵圍李
岑於宋州將士皆懼請南保揚州光弼徑赴徐州以鎮
之遣田神功擊敗之又曰初光弼將赴臨淮在道昇疾
而行監軍使以袁晁方擾江淮光弼兵少請保潤州以
避其鋒光弼不從徑往泗州光弼未至河南也田神功
平劉展後逗留于揚府尚衡殷仲卿相攻于兗鄆來瑱
旅拒于襄陽及光弼輕騎至徐州史朝義退走田神功
遽歸河南尚衡殷仲卿來瑱皆懼其威名相繼赴闕按
光弼既使田神功擊敗朝義則是神功已還也實錄今
年八月袁晁始陷台州偕使當時已擾江淮則自泗州
往潤州不得謂避其鋒也今從新書本傳

光弼在徐州惟軍旅之事自決之

其餘衆務悉委判官張儉

儉七感翻
入倉含翻

儉更事精敏區處

如流

處昌
呂翻

諸將白事光弼多令與儉議之諸將事儉如

光弼由是軍中肅然東夏以寧

夏戶雅翻

先是田神功起偏

裨為節度使

去年六月田神功自平盧兵馬使節度充鄆

留前使判官劉位

等於幕府神功皆平受其拜及見光弼與倭抗禮乃大

驚徧拜位等曰神功出於行伍不知禮儀諸君亦胡為

不言成神功之過乎

史言武大憚將可以禮化居其上者當以身作則行戶剛翻

丁酉赦天下

立皇子益昌王邈為鄭王

天寶改利州為益昌郡

延為慶王迴為韓王

來瑱聞徙淮西大懼上言淮西

無糧請俟收麥而行又諷將吏留已

來瑱扶衆以要君欲再求免得乎

上欲姑息無事壬寅復以瑱為山南東道節度使

復扶
又翻

飛龍副使程元振謀奪李輔國權密言於上請稍加

裁制六月己未解輔國行軍司馬及兵部尚書餘如故

以元振代判元帥行軍司馬仍遷輔國出居外第

自肅
宗時

李輔國常居
禁中內宅

於是道路相賀輔國始懼上表遜位辛酉

罷輔國兼中書令進爵博陸王輔國入謝憤咽而言曰

老奴事郎君不了請歸地下事先帝上猶慰諭而遣之

考異曰舊傳輔國欲入中書作謝表關吏止之曰尚
父罷相不應復入此門輔國氣憤而言曰老奴死罪事

郎君不了請歸地下事先帝上猶優詔答之按此乃對上之語非對閹吏之言也今從唐紀

壬戌

以兵部侍郎嚴武為西川節度使 襄鄧防禦使裴茂

屯穀城

穀城漢沅陽縣地晉置義城郡及義城縣隋開皇十六年廢郡改縣曰穀城以其地有穀城山

也

既得密勅即帥麾下二千人泝漢趣襄陽

帥讀曰率趣七喻翻

已已陳于穀水北瑱以兵逆之問其所以來對曰尚書

不受朝命故來若受代謹當釋兵瑱曰吾已蒙恩復留

鎮此

復扶又翻

何受代之有因取勅及告身示之茂驚惑瑱

與副使薛南陽縱兵夾擊大破之追擒茂於申口

金州陽

縣有申口鎮

送京師賜死

考異曰舊茂傳云瑱設具于江津以俟之茂初聲言假道入朝及

見瑱即云奉代且欲視事瑱報曰瑱已奉恩命復任此茂惶惑喻其麾下曰此言必妄遂引射瑱軍因與瑱兵交戰茂軍大敗按瑱若設具相見則乙亥以通州刺史茂豈得遽射瑱軍而交戰今從瑱傳

劉晏

去年十一月晏貶通州

為戶部侍郎兼京兆尹充度支轉運

鹽鐵鑄錢等使

秋七月壬辰以郭子儀都知朔方河

東北庭路儀澤沁陳鄭等節度行營

時以潞儀澤沁陳鄭為一鎮以李抱

玉為節度使蓋抱玉先以陳鄭節度使討賊在行營李光弼印山之敗抱玉奔澤州陳鄭為賊所隔朝廷因使之節度潞儀及興平等軍副元帥癸巳劔南兵馬使沁澤四州

徐知道反以兵守要害拒嚴武武不得進 八月桂州

刺史邢濟討西原賊帥吳玘曹等平之

帥所類翻

己未徐

知道為其將李忠厚所殺劔南悉平 乙丑山南東道

節度使來瑱入朝謝罪上優待之 己巳郭子儀自河

東入朝時程元振用事忌子儀功高任重數譖之於上

子儀不自安表請解副元帥節度使上慰撫之子儀遂

留京師 台州賊帥袁晁攻陷浙東諸州改元寶勝

考

異曰柳璨正閏位歷宋庠紀元通鑑皆改元昇國今從新書

民疫於賦歛者多歸之

李光弼遣兵擊晁於衢州

衢州春秋時越姑蔑之地秦以為太末縣漢分立新安縣

晉改信安唐置衢州以三衢山名昔洪

水派山為三道故曰三衢歛力膽翻破之 乙亥徙

魯王适為雍王

雍於用翻

九月庚辰以來瑱為兵部尚書

同平章事知山南東道節度使

乙未加程元振驃騎

大將軍兼內侍監

驃騎匹妙翻奇寄翻

左僕射裴晁為山陵使

方上之役唐置山陵使以宰相為之

議事有與程元振相違者丙申貶晁

施州刺史

劉烜考異曰代宗實錄祕書監韓穎中書舍人

又與李輔國昵狎時上軫憂山陵廣詢卜兆穎等不能
稍慎安有否臧因是得罪配流嶺南既行賜死于路初

晃為僕射數論時政遂燕御史大夫充山陵使以李輔國權重有恩乃奏輔國所親信劉烜為判官潛結輔國烜得罪乃連坐焉今從舊程元振傳

上遣中使劉清潭使於回紇修舊

好

好呼到翻

且徵兵討史朝義清潭至其庭回紇登里可汗

已為朝義所誘云唐室繼有大喪今中原無主

因連有玄宗肅

宗之喪速誑以中原無主

可汗宜速來共收其府庫可汗信之清潭

致勅書曰先帝雖棄天下今上繼統乃昔日廣平王與

葉護共收兩京者也

事見二百二十卷至德二載

回統業已起兵至

三城

即朔方三受降城

見州縣皆為丘墟有輕唐之志乃困辱

清潭清潭遣使言狀且曰回紇舉國十萬衆至矣京師大駭上遣殿中監藥子昂往勞之於忻州南初毗伽闕可汗為登里求婚肅宗以僕固懷恩女妻之為登里可

敦勞力到翻為于偽翻妻七細翻

可汗請與懷恩相見懷恩時在汾州

上令往見之懷恩為可汗言唐家恩信不可負偽為于翻可

汗悅遣使上表請助國討朝義可汗欲自蒲關入由沙

苑出潼關東向藥子昂說之曰關中數遭兵荒說式芮翻數所

角翻州縣蕭條無以供擬恐可汗失望賊兵盡在洛陽請

自土門略邢洺懷衛而南得其資財以充軍裝可汗不

從又請自太行南下據河陰扼賊咽喉

可從刊入聲汗音寒行戶剛翻

咽喉音

亦不從又請自陝州太陽津度河

陝州陝縣北有太陽關黃河津

煙

濟之要也即左傳秦孟伐晉自茅津濟封穀尸之路也亦曰陝津陝失冉翻

食太原倉粟與

諸道俱進乃從之

隋置太原倉在河東界史言回紇所利在中國財寶而不敢輕與賊遇

袁晁陷信州

信州本吳郡陽郡之葛陽縣陳改葛陽為弋陽唐乾元元年分饒州之弋陽

州之常山玉山及割建撫之地置信州治上饒縣以其旁下饒州故以名縣晁馳逆翻

冬十月

袁晁陷溫州明州

溫州永嘉郡治永嘉縣明州餘姚郡治鄞縣今之鄞縣是也

以

雍王适為天下兵馬元帥辛酉辭行以兼御史中丞藥

子昂魏琬為左右廂兵馬使以中書舍人韋少華為判

官給事中李進為行軍司馬會諸道節度使及回紇于

陝州進討史朝義

雍於用翻 始於用翻 始照翻 使疏史翻 朝直遙翻

上欲

以郭子儀為适副程元振魚朝恩等沮之而止

沮在呂翻

加

朔方節度使僕固懷恩同平章事兼絳州刺史領諸軍

節度行營以副适

絳州絳郡時朔方軍屯絳州故以懷恩領刺史為懷恩恃功畔援張本

上在東宮以李輔國專橫心甚不平

橫下孟翻

及嗣位以

輔國有殺張后之功不欲顯誅之壬戌夜盜入其第竊

輔國之首及一臂而去

考異曰舊傳云盜殺李輔國搗首臂而去統紀曰輔國悖于

明皇上在東宮聞而頗怒及踐阼輔國又立功難于顯戮密令人刺之斷其首棄之淵中又斷其右臂馳祭泰陵中外莫測後杭州刺史杜濟語於人曰嘗識勅有司一武人為牙門將曰某即害尚父者今從舊傳

捕盜遣中使存問其家為刻木首葬之

為于偽榘

仍贈太傅

太傅三公

丙寅上命僕固懷恩與母妻俱詣行營

時登里與懷恩

之女俱來故使懷恩母妻詣行營以親結之

雍王迺至陝州回紇可汗屯於

河北

雍於用翻迺古活翻陝失冉翻紇下沒翻可從刊入聲汗音寒陝州之河北也括地志曰陝州河北

縣本漢大陽縣天寶元年太守李齊物開三門以利漕運得古刃有篆文曰平陸因更名平陸縣

適與

僚屬從數十騎往見之可汗責適不拜舞藥子昂對以

禮不當然回紇將軍車鼻曰唐天子與可汗約為兄弟

可汗與雍王叔父也何得不拜舞子昂曰雍王天子長

子今為元帥

騎奇計翻長知兩翻帥所類翻

安有中國儲君向外國可

汗拜舞乎且兩宮在殯

兩宮謂上皇先帝時皆未葬

不應舞蹈力爭

久之車鼻遂引子昂魏琬韋少華李進各鞭一百以適

年少未諳事遣歸營

應於陵翻少詩照翻諸烏含翻考異曰代宗實錄云雍王恭行詔

命辭色不屈虜亦不敢失禮時人難之時官軍合圍將
誅無禮王以東略之故止之又曰會中數萬人駭愕失
色雍王正色叱之可汗遂退建中實錄曰上
堅立不屈此蓋史官虛美耳今從舊回紇傳

琚少華一

夕而死戊辰諸軍發陝州僕固懷恩與回紇左殺為前

鋒陝西節度使郭英又

方鎮表上元元年改陝統華節度為陝西節度使使疏吏翻

神策觀軍容使魚朝恩為殿

練丁

自澠池入

澠池

潞澤

節度使李抱玉自河陽入河南等道副元帥李光弼自

陳留入

分道並入以攻洛陽

雍王留陝州

考異曰代宗實錄戊辰元帥雍王帥僕固懷

恩等諸軍及回紇兵馬進發陝州東討留英又朝恩為後殿是日又詔河東道節度使自澤州路入今從唐歷

及舊朝
義傳

辛未懷恩等軍于同軌

河南永寧縣後周之史同軌縣地有同軌城

朝義聞官軍將至謀於諸將阿史那承慶曰唐若獨與

漢兵來宜悉衆與戰若與回紇俱來其鋒不可當宜退

守河陽以避之朝義不從

朝直遙翻諸將即亮翻紇下沒翻

壬申官軍

至洛陽北郊分兵取懷州癸酉拔之

去年印山之敗河陽懷州皆陷于賊

洛陽北郊在邙山外

乙亥官軍陳于橫水

按舊書橫水在洛陽北郊金人疆域圖孟津縣

有橫水店陳讀曰陣下恩陳陳於賊陳陳亦同

賊衆數萬立柵自固懷恩陳于

西原以當之遣驍騎及回紇並南山出柵東北

驍堅堯翻騎奇

計翻並步浪
翻冊測草翻

表裏合擊大破之朝義悉其精兵十萬救

之陳于昭覺寺官軍驟擊之殺傷甚衆而賊陳不動魚

朝恩遣射生五百人力戰賊雖多死者陳亦如初鎮西

節度使馬璘曰事急矣

犯陳而不能陷引退必敗故遂
曰事急使疏吏翻璘離珍翻

單騎奮擊奪賊兩牌

牌古謂之楯晉宋之間謂之彭排
南方以皮編竹為之以捍敵北人

以木為之左傳樂祁以楊楯
賈禍蓋北方之用木也尚矣

突入萬衆中賊左右披靡

披普
彼翻

大軍乘之而入賊衆大敗轉戰於石榴園老君廟

賊又敗人馬相蹂踐填尚書谷

蹂人九翻
尚侵羊翻

斬首六萬級

捕虜二萬人朝義將輕騎數百東走

將即亮翻又音如字下等將同懷

恩進克東京及河陽城獲其中書令許叔冀王佑等

音佑

冒

承制釋之懷恩留回紇可汗營于河陽使其子右廂

兵馬使瑒及朔方兵馬使高輔成帥步騎萬餘乘勝逐

朝義

紇下沒翻可從刊入聲汗音寒使疏史翻瑒音暢又雄杏翻帥讀曰率下同騎奇計翻朝直遙翻

至鄭州再戰皆捷朝義至汴州其陳留節度使張獻誠

閉門拒之朝義奔濮州獻城開門出降

汴皮面翻濮博木翻降戶剛翻

下同回紇入東京肆行殺略死者萬計火累旬不滅朔方

神策軍亦以東京鄭汴汝州皆為賊境所過虜掠三月

乃已

使郭李為帥安有是禍邪

比屋蕩盡士民皆衣紙

比毗必翻又毗至翻衣於

既翻

回紇悉置所掠寶貨於河陽留其將安恪守之十一

月丁丑露布至京師朝義自濮州北度河懷恩進攻滑

州拔之追敗朝義於衛州

將即亮翻敗補邁翻

朝義睢陽節度使

田承嗣等將兵四萬餘人與朝義合復來拒戰

睢音雖嗣祥吏

翻復扶又翻

僕固瑒擊破之長驅至昌樂東朝義帥魏州兵

來戰又敗走

昌樂漢古縣屬魏州後唐避諱改為南樂樂音洛帥讀曰率

於是鄴郡

節度使薛嵩以相衛洺邢四州降于陳鄭澤潞節度使

李抱玉恒陽節度使張忠志以趙恒深定易五州降于

河東節度使辛雲京

洺音名恒戶登翻恩傳云嵩以相衛洺邢趙州降于

考異曰舊懷

李抱玉李寶臣以深恒定易四州降于雲京代宗實錄

曰張忠志以趙定深恒易五州歸順又曰史思明授忠

志恒趙節度使今

從舊王武俊傳

嵩楚玉之子也

楚玉薛

抱玉等已進

軍入其營按其部伍嵩等皆受代居無何僕固懷恩皆

令復位由是抱玉雲京疑懷恩有貳心各表言之朝廷

密為之備懷恩亦上疏自理上慰勉之

令力丁翻朝直

疏所辛巳制東京及河南北受偽官者一切不問為青

幽各據所有州縣以傳世張本已丑以戶部侍郎劉晏兼河南道水

陸轉運都使睿宗先天二年以李傑為陝州刺史充水陸運使自此始也至開元二年

間以傑除河南少尹充水陸運使天寶十二載陝郡太守崔無敵充使楊國忠充使水陸轉運都使始此

丁酉以張忠志為成德軍節度使統恒趙深定易五州

賜姓李名寶臣初辛雲京引兵將出井陘常山裨將王

武俊說寶臣曰今河東兵精銳出境遠鬪不可敵也且

吾以寡當衆以曲遇直戰則必離守則必潰公其圖之

寶臣乃撤守備舉五州來降及復為節度使以武俊之

策為善

說式為翻復扶又翻

擢為先鋒兵馬使武俊本契丹也初

名沒諾干

為王武俊夷張氏得成德張本契欺訖翻又音契

郭子儀以僕固懷

恩有平河朔功請以副元帥讓之己亥以懷恩為河北

副元帥加左僕射兼中書令單于鎮北大都護朔方節

度使史朝義走至貝州與其大將薛忠義等兩節度合

僕固瑒追之至臨清

臨清漢清淵縣後魏改曰臨清唐屬貝州九域志在魏州北一百五

里十朝義自衡水引兵三萬還攻之瑒設伏擊走之回紇

又至官軍益振遂逐之大戰于下博東南

下博漢縣屬深州賊

大敗積尸擁流而下朝義奔冀州

考異曰河洛春秋朝義戰敗走歸范

陽途經衡水僕固瑒領蕃漢兵一十五萬追及朝義接戰敗之是夏涉秋苦雨陂湖流注河東兵馬使李竭誠成德軍將李令崇威統精兵亦草面來王競為犄角其漳河及諸津渡船悉是虜獲朝義遣人致命竟不應續令散在舟船並皆掠盡四路俱絕諸將或請戰或請降朝義不悅田承嗣上疏與朝義曰臣聞兵勢兩均成敗由將衆寡不敵全滅在權昔劉主破于白帝曹公敗于赤壁陸遜黃蓋皆以權道取之今部統之師皆自疲頓主客勢倍勞逸力殊若驅而令戰未見其利請用車五十乘於古夏康王城北作三箇車營車上皆設棚排倒戈為禦每車甲士二人持兵而伏隨軍子女羅於帳中每營輜重分列其次營後選二萬人布偃月陣凡敵衆

我寡則設此陣左右有險亦設此陣左右奇軍亦設此陣各令猛將主之左者東南行右者西南行令去車營十里餘營前選精卒五千人雁行陣使之接戰不勝則退於偃月陣後前軍既却敵必至車營變其珍玩必將攻取候其兵縱陣勢已分然後桴鼓齊鳴前後俱至繞緜奮勇鹵摘爭先左軍西行右軍東邁皆取古城之南令首尾相屬伏兵之發料敵必驚後軍之來自然斷絕前後既不相救中軍又遇精兵服色相亂不敗何待令文景義主左軍達干義感主右軍足下吞之朝義覽疏大悅不捷老臣請以弱卒五千為足下吞之朝義覽疏大悅因用其計官軍敗績喪師三千餘級僕固瑒大震退師數十里由是朝義得達莫州朝義既敗官軍威聲復振凡所追集人莫已達鳩集舟舫并連牌棧先濟輜重兼及老弱方以軍南行若有攻擊僕固瑒令史士各顧所部以抗其鋒朝義乃整師徒一時北濟僕懷恩都知兵馬固瑒亦連船艦宵濟趨之今從舊懷恩傳懷恩都知兵馬

使薛蕙訓兵馬使郝庭玉與田神功辛雲京會於下博

進圍朝義於莫州青淄節度使侯希逸繼至 十二月

庚申初以太祖配天地

高祖武德元年制每歲圓丘方丘之祀以太祖景皇帝配高宗

乾封二年以高祖太宗並配是時太常卿杜鴻漸等議以神堯為受命之主非始封之君不得為太祖以配天地太祖景皇帝始受封于唐即殷之契周之后稷也請以郊配天地從之

代宗睿文孝武皇帝上之上

初名俶後改名豫肅宗長子也登遐之後議上廟號曰世宗避太宗諱改曰代宗

廣德元年

是年七月方改元事見下卷

春正月己卯追謚吳太后曰

章敬皇后

吳太后上生母也

癸未以國子祭酒劉晏為吏部

尚書同平章事度支等使如故初來瑱在襄陽程元

振有所請託不從及為相

去年加來瑒同平章事

元振譖瑒言涉

不順王仲昇在賊中以屈服得全賊平得歸與元振善

奏瑒與賊合謀致仲昇陷賊壬寅瑒坐削官爵流播州

賜死於路由是藩鎮皆切齒於元振

為諸鎮忌程元振不敢勤王張本

史朝義屢出戰皆敗田承嗣說朝義令親往幽州發

兵還救莫州承嗣自請留守莫州

說式為翻守式又翻

朝義從之

選精騎五千自北門犯圍而出朝義既去承嗣即以城

降送朝義母妻子於官軍於是僕固瑒侯希逸薛兼訓

等帥衆三萬追之及於歸義

歸義漢易縣地屬涿郡北齊省入鄭縣武德五年置

歸義及北義州貞觀元年州縣皆省八年復置歸義縣屬幽州按宋白續通典唐歸義縣在瓦橋關北與

戰朝義敗走時朝義范陽節度使李懷仙已因中使駱

奉仙請降遣兵馬使李抱忠將兵三千鎮范陽縣

范陽縣漢

涿縣也為涿郡治所曹魏文帝改涿郡為范陽郡隋廢范陽郡復置涿郡於薊縣以涿縣屬焉武德七年改涿

縣為范陽縣仍屬幽州天寶元年改幽州涿郡為范陽郡故薊城亦曰范陽史以縣字別之其地在薊南宋白

曰南至莫州 朝義至范陽不得入官軍將至朝義遣人一百六十里

諭抱忠以大軍留莫州輕騎來發兵救援之意因責以

君臣之義抱忠對曰天不祚燕唐室復興復扶今既歸

唐矣豈可更為反覆獨不愧三軍邪大丈夫恥以詭計

相圖願早擇去就以謀自全且田承嗣必已叛矣不然

官軍何以得至此朝義大懼曰吾朝來未食獨不能以

一餐相餉乎抱忠乃令人設食於城東於是范陽人在

朝義麾下者並拜辭而去朝義涕泣而已獨與胡騎數

百既食而去東奔廣陽

餉式亮翻令力丁翻朝直遙翻
騎奇計翻檀州燕樂縣後魏置

廣陽郡後齊廢郡
而舊郡名猶存

廣陽不受欲北入奚契丹至溫泉柵

據新舊書懷恩傳溫泉柵在平州界石
城縣東北契欺訖翻又音喫柵測草翻

李懷仙遣兵追

及之朝義窮蹙縊於林中懷仙取其首以獻僕固懷恩

與諸軍皆還甲辰朝義首至京師

縊於賜翻又於計翻
還音旋又如字考

異曰河洛春秋曰朝義東投廣陽郡不受北取路縣漁
陽擬投兩蕃至榆關李懷仙使使招回却至漁陽過從
路縣至幽州城東阿婆門外於巫閭神廟中兄弟同被
絞縊而死乃投首與路奉仙經一日諸軍方知歸莫州
城下舊僕固懷恩傳曰寶應二年三月朝義至平州石
城縣溫泉柵窮蹙走入長林自縊懷仙使妻弟徐有濟

傳其首以獻史朝義傳二年正月李懷仙於莫州生擒
之送款來降梟首至闕下實錄寶應元年十一月己亥
僕固懷恩上言幽州平河北州縣盡平史朝義為亂兵
所戕傳首上都舊紀寶應二年十月河北州郡悉平李
懷仙以幽州降田承嗣以魏州降沈既濟建中實錄二
年正月賊將李懷仙擒朝義以降山東平唐愍正月甲
辰李懷仙擒史朝義梟首獻至闕下盡以所管來降年
代記寶應元年十二月己亥僕固懷恩上言史朝義為
亂兵所殺傳首上都二年正月甲申朝義自殺其將李懷仙以幽州
紀廣德元年正月甲申朝義自殺其將李懷仙以幽州
降按諸軍圍朝義於莫州已在去年十一月末而河洛
春秋云圍城四十日懷恩舊傳亦云攻守月餘日然則
朝義之死必在今年正月明矣諸書皆云朝義此年正
月被殺而實錄在元年十一月舊記因之又脫十一月
字懷恩傳誤以正月為三月甲申正月十日甲辰三十
日也新本紀蓋據年代記但年代記元年冬十一月己

亥朔義死亦與實錄同若正月被殺不應十月荀勗已至長安疑甲申自殺甲辰傳首至關新紀正用年代記甲辰至關為自殺日未知何所據
今從唐歷以甲辰傳首至京師

閏月己酉夜有回

統十五人犯含光門突入鴻臚寺

統下沒翻唐太極宮南面三門中曰朱雀

門東曰安上門西曰含光門按朱雀門太極宮端門也雍錄曰承天門之南朱雀門之北宗廟社稷百僚解舍列乎其間六省九寺一臺兩監十八衛以坊里準之此兩門內外南北各占兩坊不為民居自朱雀門南即市井邑屋各立坊巷以此觀之則朱雀街西兩坊百司庶府居之其門曰含光門朱雀街東兩坊亦百司庶府居之其門曰安上門司不敢過
癸亥以史朝義降將薛門也
臚陵如翻

嵩為相衛邢洺貝磁六州節度使

宋白曰磁州本漢廣平縣地周武帝於此

置滏陽縣及成安郡隋開皇十年廢郡置磁州唐武德元年分相州置磁州貞觀元年州廢薛嵩既得節復表

以相州之滏陽洺州之邯鄲武安置磁州磁牆之翻相息亮翻田承嗣為魏博德滄瀛

五州都防禦使魏州漢魏郡之地博州漢為東郡聊城縣德州漢平原郡地隋置德州因安德

縣名李懷仙仍故地為幽州盧龍節度使改范陽節度使為幽州節

度使時平盧已陷又兼盧龍節度使時河北諸州皆已降嵩等迎僕固懷

恩拜於馬首乞行間自効降戶江翻懷恩亦恐賊平寵

衰故奏留嵩等及李寶臣分師河北自為黨援帥所類翻下同

朝廷亦厭苦兵革苟冀無事因而授之河北藩鎮自此強倣不可制矣

回紇登里可汗歸國其部衆所過抄掠

紇從下沒翻可刊入聲汗

音寒抄楚交翻

廩給小不如意輒殺人無所忌憚陳鄭澤路節

度使李抱玉欲遣官屬置頓人人辭憚

使疏史翻

趙城尉馬

燧獨請行

隋義寧元年分霍邑置趙城縣屬晉州

比回紇將至

比必利燧及也

先遣人賂其渠帥約毋暴掠

帥所類翻下同

帥遺之旗曰

遺惟李翻

有犯令者君自戮之燧取死因為左右小有違令立斬

之回紇相顧失色涉其境者皆拱手遵約束抱玉奇之

燧因說抱玉曰燧與回紇言頗得其情僕固懷恩恃功

驕蹇其子瑒好勇而輕

說式芮翻好呼到翻瑒音暢又雅杏翻輕區正翻

今內

樹四帥

四帥謂田承嗣李寶臣李懷仙薛嵩

外交回紇必有窺河東澤潞

之志宜深備之抱玉然之

初長安人梁崇義以羽林

射生從來瑱鎮襄陽累遷右兵馬使崇義有勇力能卷

鐵舒鈎沈毅寡言

瑱他旬翻卷讀曰捲沈持林翻

得衆心瑱之入朝也

命諸將分戍諸州

朝直遙翻將即亮翻

瑱死戍者皆奔歸襄陽行

軍司馬龐充將兵二千赴河南

蓋先是來瑱使龐充赴河南行營會討史

朝

義至汝州聞瑱死引兵還襲襄州左兵馬使李昭拒之

充奔房州崇義自鄧州引戍兵歸與昭及副使薛南陽

相讓為長

長知兩翻

久之不決衆皆曰兵非梁卿主之不可

遂推崇義為帥崇義尋殺昭及南陽以其狀聞上不能

討三月甲辰以崇義為襄州刺史山南東道節度留後

唐藩鎮命帥未授旌節者先以為節度留後為梁崇義以襄陽拒命而死張本

崇義奏收葬瑱

為之立祠不居瑱聽事及正堂

為于偽翻聽讀曰廳

辛酉葬至

道大聖大明孝皇帝於泰陵

泰陵在同州奉先縣東北二十里金粟山

廟號

玄宗庚午葬文明武德大聖大宣孝皇帝于建陵

建陵在京

北醴泉縣東北十八里武將山

廟號肅宗 夏四月庚辰李光弼奏擒袁

晁浙東皆平時晁聚衆近二十萬

近其新翻

轉攻州縣光弼

使部將張伯儀將兵討平之伯儀魏州人也 郭子儀

數上言吐蕃党項不可忽宜早為之備

不能用郭子儀之言為二虜人

京師張本數所角翻上時掌翻下同

辛丑遣兼御史大夫李之芳等使

於吐蕃為虜所留二年乃得歸

史宥言之

羣臣三上表請

立太子五月癸卯詔許侯秋成議之 丁卯制分河北

諸州以幽莫為檀平薊為幽州管恒定趙深易為成德

軍管相貝邢洺為相州管魏博德為魏州管滄棣冀瀛

為青淄管懷衛河陽為澤潞管

自田承嗣李靈耀相繼叛亂諸鎮所管不復守

此制

六月癸酉禮部侍郎華陰楊綰上疏以為古之選

士必取行實

行下孟翻下行著同

近世專尚文辭自隋煬帝始置

進士科猶試策而已至高宗時考功員外郎劉思立始

奏進士加雜文明經加帖從此積弊轉而成俗朝之公

卿以此待士

朝直遙翻

家之長老以此訓子

長知兩翻

其明經則

誦帖括以求僥倖

帖括者舉人因試帖遂括取粹會為一書相傳習誦之以應試謂之帖括

又舉人皆令投牒自應如此欲其返淳朴崇廉讓何可

得也請令縣令察孝廉取行著鄉閭學知經術者薦之

於州

行下
孟翻

刺史考試升之於省任各占一經

占之
瞻翻

朝廷

擇儒學之士問經義二十條對策三道上第即注官中

第得出身下第罷歸又道舉亦非理國

置道舉見二百
十四卷開元二

十五

年望與明經進士並停上命諸司通議給事中李栖

筠左丞賈至京兆尹嚴武並與綰同至議以為今試學

者以帖字為精通考文者以聲病為是非

聲病謂以平
上去入四聲

緝而成文音從文順謂之聲反是則謂之病

風流頽敝誠當釐改然自東晉

以來人多僑寓士居鄉土百無一二請兼廣學校保桑

梓者鄉里舉焉在流寓者庠序推焉勅禮部具條目以

聞綰又請置五經秀才科 庚寅以魏博都防禦使田

承嗣為節度使承嗣舉管内戶口壯者皆籍為兵惟使

老弱者耕稼數年間有衆十萬又選其驍健者萬人自

衛謂之牙兵


魏牙兵始此迄於梁唐魏以之強亦以之亡

同華節度使李

懷讓為程元振所譖恐懼自殺

乾元元年置陝號華節度使上元元年改陝西

節度使分河中之同州與華
州為同華節度使華戶化獮



資治通鑑卷二百二十二

欽定四庫全書

史部

資治通鑑卷二百三十四

詳校官修撰_臣錢 榮

洗馬_臣王坦修覆勘

總校官知縣_臣楊懋珩

校對官中書_臣稽承志

謄錄監生_臣秦聯登

欽定四庫全書

資治通鑑卷二百三十三

宋司馬光撰

胡三省音註

唐紀三十九

始癸卯七月終乙巳十月凡二年零四月
起昭陽單閏七月盡梅蒙大荒落十

月凡二

年有奇

代宗睿文孝武皇帝上之下

廣德元年秋七月壬寅羣臣上尊號曰寶應元聖文武

孝皇帝

以楚州所獻十三寶為上
登極之符應也上時掌

壬子赦天下改元

方

元廣德諸將討史朝義者進官階加爵邑有差將即冊回

紇可汗為頡咄登密施合俱錄英義建功毗伽可汗可

救為娑墨光親麗華毗伽可敦頡咄華言社稷發用登

華言婁羅娑墨華言得憐毗伽華言足意智紇可汗下沒翻

可從刊入聲汗音寒頡奚結翻咄當沒翻伽求迦翻娑

蘇何左右殺以下皆加封賞左殺封雄朔王右殺封寧

拔覽將軍封靜漢王諸戊辰楊綰上貢舉條目秀才

郎督十一人並封國公問經義二十條對策五道國子監舉人令博士薦於祭

酒祭酒試通者升之於省如鄉貢法令力丁翻唐取士

之科由學館曰生

徒由州縣者曰鄉貢凡明經秀才俊士進士明於理體
為鄉里稱者縣考試州長重覆送之尚書省既至省皆
疏名列到結款通保及所居始由戶部集閱而闕於
禮部試之今楊綰所上國子監舉人略如鄉貢法 明

法委刑部考試

明法律學也

或以為明經進士行之已久不

可遽改事雖不行識者是之 以僕固瑒為朔方行營

節度使 吐蕃入大震闕陷蘭廓河鄯北岷秦成渭等

州盡取河西隴右之地

蘭廓秦渭等州即河西隴右之地先已為吐蕃所陷史因其入

大震闕而備言之蘭州漢金城郡隋置蘭州因皋蘭山
為名廓州漢西平郡南界前涼以其地為湟河郡後魏
置洮河郡周建德五年取河南地置廓州取廓清之義
為名河州漢枹罕縣前涼張駿分置河州鄯州漢破羌

允吾縣地唐平薛舉置鄆州洮州治漢洮陽城周保定
初置岷州秦臨洮縣地後魏大統十年置岷州以南有
岷山名秦州治成紀顯親川因魏晉舊州名成州古西
戎地後千畝戎姜氏居之入後為白馬氏國漢為武都
郡晉為仇池郡後魏改為南秦州西
魏改為州渭州治漢襄武縣後魏置唐自武德以來開

拓邊境地連西域皆置都督府州縣開元中置朔方隴

右河西安西北庭諸節度使以統之歲發山東丁壯為

戍卒繒帛為軍資開屯田供糗糧繒慈陵翻設監牧畜

馬牛軍城戍邏萬里相望畜吁玉翻及安祿山反邊兵

精銳者皆徵發入援謂之行營所留兵單弱胡虜稍蠹

食之數年間西北數十州相繼淪沒自鳳翔以西邠州

以北皆為左袵矣

史言唐所以失河隴

初僕固懷恩受詔與回

紇可汗相見於太原河東節度使辛雲京以可汗乃懷

恩壻恐其合謀襲軍府閉城自守亦不犒師

使疏史翻犒告到翻

及史朝義既平詔懷恩送可汗出塞往來過太原

朝直遙翻

過古未翻又古臥翻

雲京亦閉城不與相聞懷恩怒具表其狀不

報懷恩將朔方兵數萬屯汾州使其子御史大夫瑒將

萬人屯榆次裨將李光逸等屯祁縣

將即亮翻下裨將同又音如字裨彼

述翻榆次祈晉李懷光等屯晉州張維嶽等屯沁州沁

漢古縣屬太原

七

浸翻考異曰祁志作懷光本勃海靺鞨也靺鞨音姓

張如岳今從實錄唐歷懷光本勃海靺鞨也末曷

茹茹音

為朔方將以功賜姓中使駱奉仙至太原雲京

厚結之為言懷恩與回紇連謀反狀已露使疏史翻奉

仙還過懷恩懷恩與飲於母前母數讓奉仙曰還音旋

字數所汝與吾兒約為兄弟今又親雲京何兩面也唐人

角翻

謂反覆者為兩面貞元以後劍南西山白狗等羌內附

賜牛糧治生業差賜官祿皆得世襲然陰附吐蕃世謂

之兩面羌酒酣懷恩起舞奉仙贈以纒頭綵唐人宴集

此其證也酒酣為

舞當此禮者以絲物為贈謂之纏頭倡伎當筵舞者亦有纏頭唱賜杜甫詩所謂舞罷錦纏頭者也耐戶甘翻

懷恩欲酬之曰來日端午當更樂飲一日

樂音洛

奉仙固

請行懷恩匿其馬奉仙謂左右曰朝來責我又匿我馬將殺我也夜踰垣而走懷恩驚遽以其馬追還之八月癸未

奉仙至長安奏懷恩謀反

考異曰實錄癸未懷恩旋師次于汾州逗遛不進監軍

使駱奉仙以聞上以功高不之罪優詔慰勞之又曰懷恩頓軍汾上監軍使駱奉仙因公宴言有所指懷恩已萌二心肆口酬對奉仙不告而出乘傳上間上以功高容之叱奉仙出待懷恩如舊懷恩憚奉仙益不自安邵志曰寶應二年河朔既平詔太原節度辛雲京及僕固懷恩各以其軍送回紇還蕃既出晉闕辛公率其輕兵

先入太原懷恩怒其不告曰辛君有虞於我也回紇
至辛公館于城外致牛酒以犒之懷恩欲因回紇規
其城壁陰導回紇請觀佛寺辛公許之既入城見懷
羅兵於諸街蕃人大驚辟易而去今從舊懷恩傳懷

恩亦具奏其狀請誅雲京奉仙上兩無所問優詔和解

之懷恩自以兵興以來

謂自祿山反朔方起兵討之以至平賊時也

所在力

戰一門死王事者四十六人女嫁絕域

謂嫁回紇可汗也

說諭

回紇

說式芮翻
紇下沒翻

再收兩京平定河南北功無與比而為

人構陷憤怨殊深上書自訟以為臣昨奉詔送可汗歸

國傾竭家貲俾之上道行至山北

上時兩翻可從刊入
聲汗音寒懷恩也汾

州謂太原之地為山北

雲京奉仙閉城不出祇迎仍令潛行竊盜

回紇怨怒亟欲縱兵臣力為彌縫方得出塞雲京奉仙

恐臣先有奏論遂復妄稱設備

令力丁翻為于偽翻復扶又翻下並同

與

李抱玉共相組織臣靜而思之其罪有六昔同羅叛亂

臣為先帝掃清河曲一也臣男玢為同羅所虜得間亡

歸臣斬之以令衆士二也

二事並見二百十八卷肅宗至德元載玢悲中翻間古蒐

翻臣有二女遠嫁外夷為國和親蕩平寇敵三也臣與

男瑒不顧死亡為國効命四也河北新附節度使

謂田承嗣

李寶臣李懷仙等

皆握強兵臣撫綏以安反側五也臣說諭回

紆使赴急難天下既平送之歸國六也

說式為翻難乃旦翻

臣既

負六罪誠合萬誅惟當吞恨九泉銜冤千古復何訴哉

臣受恩深重夙夜思奉天顏

言欲入朝也

但以來填受誅

填它

甸翻事見上卷正月

朝廷不示其罪諸道節度誰不疑懼近聞詔

追數人

唐人率謂召為追觀考異所引諸家雜史可見

盡皆不至實畏中官讒

口虛受陛下誅夷豈惟羣臣不忠正為回邪在側

當時君臣

情事誠如懷恩之言

且臣前後所奏駱奉仙詞情非不撫實

撫實翻

陛下竟無處置

處昌呂翻

寵任彌深皆由同類比周

比毗至翻

蒙

蔽聖聽竊聞四方遣人奏事陛下皆云與驃騎議之

驃騎

謂程元振也驃匹妙翻騎奇計翻

曾不委宰相可否或稽留數月不還

遠近益加疑阻

代宗省懷恩書至此豈不為之動心邪曾才登翻

如臣朔方將

士功效最高為先帝中興主人乃陛下蒙塵故吏曾不

別加優獎反信讒嫉之詞子儀先已被猜臣今又遭詆

毀

將即亮翻被皮義翻

弓藏鳥盡信匪虛言

古語云高鳥盡良弓藏狡兔死走狗烹敵

國破謀臣亡言以今事準之非虛言也

陛下信其矯誣

矯託也託言謀反以厚誣

何殊

指鹿為馬

引趙高事以況諸閹

儻不納愚懇且貴因循臣實不敢

保家陛下豈能安國

懷恩心跡於此可見

忠言利行

忠言逆耳利於行古語也

惟陛下圖之臣欲公然入朝

朝直遙翻下同

恐將士留沮今託

巡晉絳於彼遷延乞陛下特遣一介至絳州問臣臣即

與之同發九月壬戌上遣裴遵慶詣懷恩諭旨且察其

去就懷恩見遵慶抱其足號泣訴冤

號戶翻

遵慶為言聖

恩優厚諷令入朝懷恩許諾副將范志誠以為不可曰

公信其甘言入則為來瑱不復還矣明日懷恩見遵慶

以懼死為辭請令一子入朝志誠又以為不可遵慶乃

還

還音旋又
如字下同

御史大夫王翊使回紇還懷恩先與可汗

往來恐翊洩其事遂留之

吐蕃之入寇也遣將告急

程元振皆不以聞冬十月吐蕃寇涇州刺史高暉以城

降之遂為之鄉導

降戶江翻鄉讀曰嚮
家傳八月吐蕃次涇寧州遣感激軍

考異曰汾陽

使高暉禦之戰敗執暉九月至便橋實錄十月庚午吐

蕃寇涇州辛未犯奉天武功按今邠州東去涇州三程

邠州南去奉天二程不應庚午寇邠州辛未已至奉天

蓋史官據奏到日書之耳段公家傳九月二十日吐蕃

寇涇原節度使高暉降之十一月一日臨邠州節度使

張蘊琦棄城遁舊本紀九月己丑吐蕃寇涇州刺史高

暉以城降因為吐蕃鄉導十月辛未犯京畿新本紀九月乙丑涇州刺史高暉叛附於吐蕃十月庚午吐蕃陷邠州辛未寇奉天武功今引吐蕃深入過邠州上始聞月從實錄而不取其日

之辛未寇奉天武功京師震駭詔以雍王适為關內元

帥郭子儀為副元帥出鎮咸陽以禦之子儀間廢日久

實應元年八月郭子儀自河東入朝遂留京師部曲離散至是召募得二十騎

而行至咸陽吐蕃帥吐谷渾党項氏羌二十餘萬衆彌

漫數十里已自司竹園度渭

鳳翔府盤屋縣有司竹園漢書王莽傳所謂霍鴻負

倚芒竹即此地也蘇軾曰盤屋有官循山而東子儀使竹園臨水數十里不絕所謂司竹也

判官中書舍人王延昌入奏請益兵程元振遏之竟不

召見

見賢通翻

癸酉渭北行營兵馬使呂月將將精卒二千

破吐蕃於盤屋之西

將將上如字下即亮翻

乙亥吐蕃寇盤屋月

將復與力戰兵盡為虜所擒

復扶又翻

上方治兵

治直之翻

而吐

蕃已度便橋倉猝不知所為丙子出幸陝州

陝失再翻

官吏

藏竄六軍逃散郭子儀聞之遽自咸陽歸長安比至

必此

利翻及也

車駕已去上纔出苑門度澧水

按唐禁苑包大明宮之北東距澧水

考雍錄長安志諸書禁苑東面射生將王獻忠擁四百

出澧水無其門蓋出光泰門耳

騎叛還長安

將即亮翻
騎奇計翻

脅豐王珙等十王西迎吐蕃

珙

宗子音
居勇翻

遇子儀於開遠門內

開遠門長安城西
面北頭第一門

子儀叱

之獻忠下馬謂子儀曰今主上東遷社稷無主令公身

為元帥

郭子儀為中書
令故稱焉令公

廢立在一言耳子儀未應珙越

次言曰公何不言子儀責讓之以兵援送行在丁丑車

駕至華州官吏奔散無復供擬

復扶
又翻

扈從將士不免凍

餒會觀軍容使魚朝恩將神策軍自陝來迎上乃幸朝

恩營

從才用翻將即亮翻使疏史翻朝
直遙翻恩將音同上陝失冉翻

豐王珙見上於

潼關上不之責退至幕中有不遜語羣臣奏請誅之乃

賜死戊寅吐蕃入長安高暉與吐蕃大將馬重英等立

故邠王守禮之孫承宏為帝

拱居勇翻吐從暉入聲重直龍翻邠直頻翻邠王守

禮章懷太子之子

改元置百官以前翰林學士于可封等為相

吐蕃剽掠府庫市里焚閭舍長安中蕭然一空

相息亮翻剽匹

妙翻下同

苗晉卿病臥家遣人興入迫脅之晉卿閉口不言

虜不敢殺於是六軍散者所在剽掠士民避亂皆入山

谷辛巳上至陝百官稍有至者郭子儀引三十騎自御

宿川循山而東

騎奇計翻三輔黃圖曰御宿川在長安城南漢武帝為離宮別館禁禦人不得

往來游觀上宿其中故曰御宿程大昌曰御宿川即樊川在萬年縣南二十五里

謂王延昌曰

六軍將士逃潰者多在商州今速往收之

商州治上洛縣至京師二

百八十一里并發武關防兵數日間北出藍田以向長安吐

蕃必遁過藍田遇元帥都虞侯臧希讓鳳翔節度使高

昇得兵近千人

武關在商州西北雍州藍田縣南吐從轍入聲過古木翻又古臥翻使疏史翻

近其新翻

子儀與延昌謀曰潰兵至商州官吏必逃匿而入

亂使延昌自直徑入商州撫諭之諸將方縱兵暴掠聞

子儀至皆大喜聽命

將即亮翻

子儀恐吐蕃逼乘輿留軍七

盤

杜佑曰七盤即王莽所謂繞雷之固南當荆楚者也繞雷者言四面塞阨屈曲水回繞而雷今謂之七盤

十二縛乘承正翻吐從敝入聲

三日乃行比至商州

比必利翻

行收兵并武

關防兵合四千人軍勢稍振子儀乃泣諭將士以共雪

國恥取長安皆感激受約束子儀請太子賓客第五琦

為糧料使給軍食

將即亮翻糧料使主給行營軍食我宋朝隨軍轉運使即其任

上賜

子儀詔恐吐蕃東出潼關徵子儀詣行在子儀表稱臣

不收京城無以見陛下若出兵藍田虜必不敢東向上

許之鄜延節度判官段秀實說節度使白孝德引兵赴

難

上元元年置渭北鄜坊節度使領鄜坊丹延四州治坊州吐從賊入聲潼音同說式為翻難乃旦翻

孝

德即日大舉南趣京畿

李嗣業自西域赴難於至德之初白孝德自鄜坊赴廣德之難

皆段秀實發之其忠義蓋天性也

與蒲陝商華合勢進擊

陝失冉翻吐華戶化翻

蕃既立廣武王承宏欲掠城中士女百工整衆歸國子

儀使左羽林大將軍長孫全緒將二百騎出藍田觀虜

勢令第五琦攝京兆尹與之偕行又令寶應軍使張知

節將兵繼之

長知兩翻將即亮翻又音如字騎奇計翻令力丁翻琦音奇上以射生軍入禁中清

難賜名實應功臣故
射生軍亦號寶應軍

全緒至韓公堆晝則擊鼓張旗幟

夜則多然火以疑吐蕃前光祿卿殷仲卿聚衆近千人

保藍田與全緒相表裏帥二百餘騎直度滻水

近其新
翻帥讀

曰率滻
音產

吐蕃懼百姓又給之曰郭令公自商州將大軍

不知其數至矣

給湯亥翻將即
亮翻又音如字

虜以為然稍稍引軍去

全緒又使射生將王甫入城陰結少年數百夜擊鼓大

呼於朱雀街

將即亮翻少始照翻呼火故翻唐太極宮
正南出朱雀門自朱雀門南出至明德門

皆名朱雀街

吐蕃惶駭庚寅悉衆遁去

曰考異曰舊吐蕃傳
子儀帥部曲數百

人及其妻子僕從南入斗心谷駝馬車牛數百兩子儀
遲留未知所通行軍判官中書舍人王延昌監察御史
李萼謂子儀曰令公身為元帥主上蒙塵於外今吐蕃
之勢日逼豈可懷安于谷中何不南趨商州漸赴行在
子儀遽從之延昌曰吐蕃知令公南行必分兵來逼若
當大路事即危矣不如取王山路而去出其不意子儀
又從之子儀之隊十餘人山谷束隘連延百餘里不
得馳延昌與萼恐狹徑被追前後不相救至倒迴口遂
與子儀別行踰絕澗登七盤趨于商州先是六軍將張
知節與麾下數百人自京城奔於商州大掠避難朝官
士庶及居人資財已有日矣延昌與萼既至說知節曰
將軍身掌禁兵軍敗而不赴行在又恐其下虜掠何所
歸乎今郭令公元帥也已欲至洛南將軍若整頓士卒
諭以禍福請令公來撫之圖收長安此則將軍非常之
功也知節大悅其時諸軍臧希讓高昇彭體盈李惟誅
等數人各有部曲家兵數十騎相次而至又從其計皆

相率為軍約不侵暴延昌留于軍中主約萼以數騎往迎子儀去洛南十餘里及之遂與子儀廻至商州諸將大喜皆遵其約束吐蕃將入京師也前光祿卿殷仲卿逃難而出至藍田糾合敗兵及諸驍勇願從者百餘人南保藍田以拒吐蕃其衆漸振至於千人子儀既至商州募人往探賊勢羽林將軍長孫全緒請行全緒至韓公堆仲卿得官軍其勢益壯遂相為表裏仲卿師二百餘騎遊奕直度滄水吐蕃懼問百姓百姓皆紹之曰郭令公大軍不知其數賊以為然遂抽軍而還汾陽家傳曰公以三十騎循御宿川略山而東公西望國門涕不自勝謂延昌曰為舍人計何以復國延昌歔歔不能對公謂曰料諸將散卒必逃商於若速行收合散卒兼武關兵數日之內却出藍田設疑兵為旂屯於韓公堆吐蕃必懼我而退乃相與迷驅之過藍田公與延昌議曰散兵至商州必官吏不守則兵亂而人潰使延昌間道中宿至商州果如所議延昌以公之言巡撫之亂乃止

潰乃復
今從之

高暉聞之帥麾下三百餘騎東走至潼關守將

李日越擒而殺之

帥讀曰率將即亮翻下同
新魚朝恩傳曰朝恩遣劉德信討斬

考異曰

之今從
實錄

壬辰詔以元載判元帥行軍司馬以第五琦為

京兆尹癸巳以郭子儀為西京留守甲午子儀發商州

已亥以魚朝恩部將皇甫溫為陝州刺史周智光為華

州刺史

為周智光以華
州跋扈張本

驃騎大將軍判元帥行軍司

馬程元振專權自恣人畏之甚於李輔國諸將有大功
者元振皆忌嫉欲害之吐蕃入寇元振不以時奏致上

狼狽出幸上發詔徵諸道兵李光弼等皆忌元振居中

莫有至者中外咸切齒而莫敢發言太常博士柳伋上

疏伋苦浪翻以為犬戎犯關度隴不血刃而入京師劫宮闈

焚陵寢武士無一人力戰者此將帥叛陛下也陛下疏

元功委近習疏與疎同日引月長以成大禍羣臣在廷無一

人犯顏回慮者此公卿叛陛下也陛下始出都百姓填

然奪府庫相殺戮此三輔叛陛下也自十月朔召諸道

兵盡四十日無隻輪入關此四方叛陛下也內外離叛

陛下以今日之勢為安邪危邪若以為危豈得高枕

枕職

任

不為天下討罪人乎

為子偽翻

臣聞良醫療疾當病飲藥

藥不當病猶無益也陛下視今日之病何繇至此乎必

欲存宗廟社稷獨斬元振首馳告天下悉出內使隸諸

州

言悉出諸宦官隸諸州羈管也時宦官皆為內諸司使故曰內使

持神策兵付大臣

時魚朝恩領神策軍

然後削尊號下詔引咎曰天下其許朕自新

改過宜即募士西赴朝廷若以朕惡不悛

悛緣翻丑

則帝王

大器敢妨聖賢其聽天下所往如此而兵不至人不感

天下不服臣請闔門寸斬以謝陛下上以元振嘗有保

護功

保護事見上卷寶應元年

十一月辛丑削元振官爵放歸田里

王甫自稱京兆尹聚衆二千餘人署置官屬暴橫長

安中

橫戶孟翻

壬寅郭子儀至涇水西

郭子儀至涇水西則已度涇水近京城矣

甫按兵不出或謂子儀城不可入子儀不聽引三十騎

徐進使人傳呼召甫甫失據出迎拜伏子儀斬之

異曰考

實錄云有武將王甫等誘長安惡少數百人集六街鼓於朱雀街大鼓之吐蕃聞之震懾乘夜而遁汾陽家傳曰射生將王撫猛而多力自稱御史大夫領五百騎二千步卒兼補官屬以謀作亂甲午公發商州冬十一月

壬寅公次涯水之右王撫知公之來也於城中堅列行陣戈矛若林指揮其間按甲不出入勸公必不可入公以三十騎徐進曾不少懼令傳呼王撫撫應聲伏烏合之徒一時而潰邵志曰郭公屯商州十二月一日率諸軍五萬餘人出藍田去城百里而軍城中相傳言大軍將至西戎懼焉三日馬家小兒張小君李酒盞射生官王甫等五百餘人夜半聚六街鼓入於子城擂擊天門街中仍分其衆建旗諸門吐蕃以為大軍夜至相帥遁去小君使報郭公七日郭公全師入于京師繫小君酒盞王甫等責之曰吾大軍未至汝設詐以畏吐蕃吐蕃知之怒汝燔燒宮闕從容而去豈不由汝乎命斬之遂以破賊收城間舊子儀傳曰全緒遣禁軍舊將王甫入長安陰結豪俠為內應一日齊擊鼓於朱雀街蕃軍惶駭而去又曰射生將王甫自署為京兆尹聚兵二千人擾亂京城于儀召撫殺之詔子儀權京城留守吐蕃傳吐蕃餘衆尚在城軍將王撫及御史大夫王仲昇領兵

自苑中入推鼓大呼仲卿之兵又入城吐蕃皆奔走若
如邵志所言是子儀殺撫而擢其功計子儀必不為也
子儀勲業今古推高凌準作書多攻其短疑有
宿嫌不可盡信今從汾陽家傳及子儀舊傳其兵盡

散白孝德與邠寧節度使張蘊琦將兵屯畿縣

京兆府管二十

縣萬年長安為赤
縣餘縣皆為畿縣

子儀召之入城京畿遂安

宦官廣

州市舶使呂太一發兵作亂

唐置市舶使於廣州以收
商舶之利時以宦者為之

舶音

節度使張休棄城奔端州

舊志廣州西至端
州二百四十里

太一

縱兵焚掠官軍討平之

吐蕃還至鳳翔節度使孫志

直閉城拒守吐蕃圍之數日鎮西節度使馬璘聞車駕

幸陝將精騎千餘自河西入赴難

難乃旦翻

轉鬪至鳳翔值

吐蕃圍城璘帥衆持滿外向突入城中不解甲背城出

戰

師讀曰率下同背蒲妹翻

單騎先士卒奮擊俘斬千計而歸明日

虜復逼城請戰

先昔薦翻俘方無翻復扶又翻

璘開懸門以待之

杜預曰懸

門施於內城門按今道城之門設扉以啟閉而懸門者設於門闌之外常懸而不下寇至則下之以塞門以為重閉虜引退曰此將軍不惜死宜避之遂去居於原會

成渭之地

原州高平郡會州會寧郡成州同谷郡皆據河隴之勝以臨唐境

十二月

丁亥車駕發陝州

陝失冉翻

左丞顏真卿請上先謁陵廟然

後還宮元載不從真卿怒曰朝廷豈堪相公再壞邪

還從

宣翻又音如字載祖亥翻又音如字朝直遙翻相昔亮翻邪音耶懷音怪

載由是銜之甲午

上至長安郭子儀帥城中百官及諸軍迎於澧水東伏

地待罪上勞之曰用卿不早故及於此

銜其銜翻勞力到翻涯音產

以魚朝恩為天下觀軍容宣慰處置使總禁兵權寵

無

比魚朝恩以陝州迎扈之勞過承權寄恩寵去程得魚所謂去地得虎也處昌呂翻使疏吏翻朝直遙

翻築城於鄠縣及中渭橋屯兵以備吐蕃以駱奉仙為鄠

縣築城使遂將其兵

鄠音戶吐從敗入聲將即亮翻又音如字

乙未以

苗晉卿為太保裴遵慶為太子少傅並罷政事以宗正

卿李峴為黃門侍郎同平章事遵慶既去元載權益盛

以貨結內侍董秀使主書卓英倩潛與往來上意所屬

主書省吏也峴戶
典翻屬之欲翻

載必先知之承意探微

探吐
南翻

言無不

合上以是益愛之英倩金州人也

金州安
康郡

吐蕃既去

廣武王承宏逃匿草野上赦不誅丙申放之於華州

華州

華陰郡去京師
一百八十里

程元振既得罪歸三原聞上還宮衣

婦人服

還從宣翻又音
如字衣於既翻

私入長安復規任用京兆府擒

之以聞

復扶又翻規圖也

考異曰實錄如此仍云將

任用與御史大夫王仲昇飲酒為御史所彈今從實錄參以舊傳

吐蕃陷松維保三

州及雲山新築二城

松州交川郡以郡界有甘松嶺名

置本州雲山郡天寶八年徙治天保軍更曰天保郡是年沒吐蕃至乾元元年嗣歸誠王董嘉俊以郡來歸始更名保州又按天寶八年分定廉置雲山縣時蓋於縣新築二城也

西川節度使高適不

能救於是劔南西山諸州亦入於吐蕃矣

使疏吏翻吐從職入聲

二年春正月壬寅勅稱程元振變服潛行將圖不軌長

流漆州上念元振之功

復念其保護之功也

尋復令於江陵安置

復扶又翻漆縹翻漆州治縹縣貞觀開山洞所置也江陵府上元置府又置南都則善地也令力丁翻

癸卯合劔南東西川為一道以黃門侍郎嚴武為節

度使

分劔南為東西川見二百二十卷肅宗至德元載考異曰舊傳武為京兆少尹以史思明阻兵不

之官出為綿州刺史遷東川節度使上皇結兩川合為一道拜武劔南節度使新傳武為少尹坐房瑄貶巴州久之遷東川餘同舊傳按思明阻兵河洛京兆少尹何妨之官此年始合東西川為一道宣上皇詔所合新舊傳皆誤

丙午遣檢校刑部尚書顏真卿宣慰朔方行營

上之在陝也顏真卿請奉詔召僕固懷恩上不許

校古

尚使羊翻

至是上命真卿說諭懷恩入朝對曰陛下在

陝失冉翻

陝臣往以忠義責之使之赴難

說式為翻朝直
逆翻難乃旦翻

彼猶有

可來之理今陛下還宮

還從宣翻
又音如字

彼進不成勤王退不

能釋衆召之庸肯至于且言懷恩反者獨辛雲京駱奉

仙李抱玉魚朝恩四人耳

朝直
逆翻

自餘羣臣皆言其枉陞

下不若以郭子儀代懷恩可不戰而服也時汾州別駕

李抱真抱玉之從父弟也

從才
用翻

知懷恩有異志脫身歸

京師上方以懷恩為憂召見抱真問計對曰此不足憂

也朔方將士思郭子儀如子弟之思父兄懷恩欺其衆

云郭子儀已為魚朝恩所殺衆信之故為其用耳

將即亮翻

朝直遙翻

陛下誠以子儀領朔方彼皆不召而來耳上然之

甲寅禮儀使杜鴻漸

唐會要曰高祖禪代之際溫大雅與竇威陳叔達參定禮儀自

後至開元初參定禮儀者並不入銜無由檢校開元九年韋緇除國子司業仍知太常禮儀事自此至二十三年凡四改官至太常卿並帶知禮儀事至天寶九載始置禮儀使以太子左庶子韋述為之使疏史翻

奏

自今祀圓丘方丘請以太祖配祈穀以高祖配太雩以

太宗配明堂以肅宗配從之

唐制冬至祀圓丘夏至祀方丘孟春祈穀孟夏雩祀

李秋大享明堂以肅宗配嚴父之義也

乙卯立雍王适為皇太子

雍於用翻

造古
活翻

吐蕃之入長安也諸軍亡卒及鄉曲無賴子弟

相聚為盜吐蕃既去猶竄伏南山子午等五谷

吐從嗽
入聲長

安之南山西接岐州界東抵虢州界其谷之大
者有五子午谷斜谷藍田谷衡嶺谷也

所在為

患丁巳以太子賓客薛景仙為南山五谷防禦使以討

之魏博節度使田承嗣奏名所管曰天雄軍從之

疏使

史翻嗣
祥史翻

僕固懷恩既不為朝廷所用遂與河東都將

李竭誠潛謀取太原

朝直遙嗣將即亮翻
都將都知兵馬使

辛雲京覺之

殺竭誠乘城設備懷恩使其子瑒將兵攻之雲京出與

戰場大敗而還遂引兵圍榆次

去年七月懷恩使場屯榆次場音暢又難杏翻

還從宣翻又音如字

上謂郭子儀曰懷恩父子負朕實深

代宗心事惟與

子儀言之

聞朔方將士思公如枯旱之望雨公為朕鎮撫河

東為子偽翻

汾上之師必不為變

汾上謂汾州時朔方軍多在焉

戊午以子

儀為關內河東副元帥河中節度等使懷恩將士聞之

皆曰吾輩從懷恩為不義何面目見汾陽王

帥所類翻

癸

亥以劉晏為太子賓客李峴為詹事並罷政事晏坐與

程元振交通元振獲罪峴有力焉由是為宦官所疾

李峴

相肅宗不為李輔國所容宦官之媚疾非一日矣峴戶典翻

故與晏皆罷以右散騎

常侍王縉為黃門侍郎太常卿杜鴻漸為兵部侍郎並

同平章事

散昔盧綸騎奇寄翻縉音晉為王縉黨附元載與之俱誅張本

丁卯以郭

子儀為朔方節度大使二月子儀至河中雲南子弟萬

人戍河中將貪卒暴為一府患子儀斬十四人杖三十

人府中遂安

癸酉上朝獻太清宮

太清宮玄宗所建朝音直遙翻

甲

戌享太廟乙亥祀昊天上帝於圜丘

僕固瑒圍榆次

旬餘不拔遣使急發祁縣兵李光逸盡與之

李光逸屯祁縣事始

上年七月

士卒未食行不能前十將白玉焦暉以鳴鏑射其

後者

後者行不能及衆者也射而亦翻下乃射射之同

軍士曰將軍何乃射人

玉曰今從人反終不免死死一也射之何傷

白玉焦暉欲殺瑒先

激其衆

至榆次瑒責其遲胡人曰我乘馬

乘音承

乃漢卒不

行耳瑒捶漢卒卒皆怨怒曰節度使黨胡人其夕焦暉

白玉帥衆攻瑒殺之

帥讀曰率

僕固懷恩聞之入告其母母

曰吾語汝勿反

語牛倨翻

國家待汝不薄今衆心既變禍必

及我將如之何懷恩不對再拜而出母提刀逐之曰吾

為國家殺此賊

偽為于翻

取其心以謝三軍懷恩疾走得免

遂與麾下三百度河北走

自汾州西度河投北趨靈州

時朔方將渾

釋之守靈州懷恩微至云全軍歸鎮釋之曰不然此必

衆潰矣將拒之其甥張韶曰彼或翻然改圖以衆歸鎮

何可不納也釋之疑未決懷恩行速先候者而至

先肯薦翻

釋之不得已納之張韶以其謀告懷恩懷恩以韶為間

殺釋之而收其軍

史言渾釋之以臨事不決自禍間古覓翻

使韶主之既而

曰釋之舅也彼尚負之安有忠於我哉他日以事杖之

折其脛置於彌戔城而死

張詠之死宜矣折而設翻脛音胡定翻脛脚莖也

都

虞侯張維嶽在沁州聞懷恩去乘傳至汾州

傳張懋翻驛馬也

撫定其衆殺焦暉白玉而竊其功以告郭子儀子儀使

牙官盧諒至汾州

節鎮州府皆有牙官行官牙官給牙前驅使行官使之行役出四方自五

李以後詬訾武臣率曰牙官

維嶽賂諒使實其言子儀奏維嶽殺瑒

考異曰汾陽家傳曰開府盧昂公先使汾州慰諭及還惡不比於已者好賂於已者公拙殺之郭志曰郭公

使牙官盧諒之軍如岳賂諒使信其言郭公以如岳殺瑒聞詔優之諸將云云郭公乃理諒罪棒殺之今參考

二書諒職名從郭志

傳首詣闕羣臣入賀上慘然不悅曰朕信不

及人致勲臣顛越深用為愧又何賀焉命輦懷恩母至

長安給待優厚月餘以壽終

史言壽終明非殺之也

以禮葬之功

臣皆感歎戊寅郭子儀如汾州

考異曰實錄廣德元年十二月丁酉僕固瑒

為帳下張維嶽所殺以其眾歸郭子儀懷恩聞之棄營脫身遁走北蕃按朔方兵所以不附僕固氏者以子儀為之帥也縱不在子儀領朔方節度使之後亦當在領河東副元帥之後而實錄二年正月丁卯子儀為朔方節度使汾陽家傳二年正月子儀充河東副元帥河中節度使癸亥代宗三殿宴送二十六日發上都二月至河中魚朔方節度大使戊寅往汾州甲申還至河中邠志二年正月二十日詔郭公加河中節度河東副元帥二十九日加朔方節度二月僕固瑒帥軍攻榆次逾旬不拔云云然則瑒死決不在去年十二月今因子儀如

汾州并
言之

懷恩之衆悉歸之咸鼓舞涕泣喜其來而悲其

晚也

李抱真之言

子儀知盧諒之詐杖殺之上以李抱

真言有驗遷殿中少監

上之幸陝也李光弼竟遷延

不至上恐遂成嫌隙其母在河中數遣中使存問之

數所

用

吐蕃退除光弼東都留守以察其去就光弼辭以就

江淮糧運引兵歸徐州上迎其母至長安厚加供給使

其弟光進掌禁兵遇之加厚

皆所以懷來光弼

自喪亂以來

良息

汴水堙廢漕運者自江漢抵梁洋迂險勞費

自安祿山

作亂關洛路阻漕運汴江入漢抵梁洋故汴渠堙廢不治三月己酉以太子賓客劉

晏為河南江淮以東轉運使議開汴水庚戌又命晏與

諸道節度使均節賦役聽便宜行畢以聞時兵火之後

中外艱食關中米斗千錢百姓按穗以給禁軍按奴宮

厨無魚時之積宮厨所以奉上及宮中食膳晏乃疏浚汴水遺元載

書具陳漕運利病時元載為相故遺書言漕運事遺唯李翱令中外相應自

是每歲運米數十萬石以給關中唐世推漕運之能者

推晏為首後來者皆遵其法度云 甲子盛王琦薨琦

宗子也

党項寇同州郭子儀使開府儀同三司李國臣

擊之曰虜得間則出掠

問古覓翻

官軍至則逃入山宜使羸

師居前以誘之勁騎居後以覆之國臣與戰於澄城北

澄城春秋左傳北徵之地漢為徵縣屬馮翊音澄後魏為澄城縣并置澄城郡隋廢郡存縣唐屬同州九域志

縣在州北九十里

大破之斬首捕虜千餘人

夏五月癸丑初

行五紀歷

寶應元年六月望戊夜月蝕三之一官歷加時在日出後有交不署蝕代宗以至德歷不

與天合詔司天臺官屬郭獻之等復用麟德元紀更立歲差增損遲疾交會及五星差數以寫大衍舊術上元

七曜起虛四度帝為

製序題曰五紀歷

庚申禮部侍郎楊綰奏歲貢孝

弟力田無實狀及童子科皆僥倖悉罷之

孝弟力田之科始於漢

郭子儀以安史昔據洛陽故諸道置節度使以制其

要衝今大盜已平而所在聚兵耗蠹百姓表請罷之仍

自河中為始

子儀時鎮河中表先罷河中節度以示諸鎮君子惜其有安國家尊朝廷之心而時

君不能盡用之也

六月勅罷河中節度及耀德軍

乾元二年置耀德軍於河

中子儀復請罷關內副元帥

復扶又翻下衆復同

不許

僕固懷

恩至靈武收合散亡其衆復振上厚撫其家癸未下詔

稱其勲勞著於帝室及於天下疑隙之端起自羣小察

其深衷本無它志君臣之義情實如初但以河北既平

朔方已有所屬宜解河北副元帥朔方節度等使優詔解其

職任使河北諸帥不復稟其其太保兼中書令大寧郡

王如故但當詣闕更勿有疑懷恩竟不從 秋七月庚

子稅天下青苗錢以給百官俸乾元以來天下用兵京

位推恩庶寮下議公卿或言稅畝有苗者公私咸濟乃

分遣憲官稅天下地青苗錢充百司課料宋白曰大歷

五年五月詔京兆府應徵青苗地頭錢等承前青苗錢

每畝徵十五文地頭錢每畝徵二十五文自今以後宜

一切以青苗錢為名每畝減五文徵三十五文隨徵

夏稅時據數徵納八年每畝率十五文俸方用翻

太尉兼侍中河南副元帥臨淮武穆王李光弼治軍嚴整

治直之翻

指顧號令諸將莫敢仰視謀定而後戰能以少制

衆與郭子儀齊名及在徐州擁兵不朝諸將田神功等

不復稟畏

少始照翻復扶又翻李光弼處危疑之地其迹若無君者而諸將亦不復稟畏光弼節義

天下之大義非虛語也

光弼愧恨成疾已酉薨

史言李光弼不能以功名自終八

月丙寅以王縉代光弼都統河南淮西山南東道諸行

營

統他綜翻俗從上聲

郭子儀自河中入朝會涇原奏僕固懷

恩引回紇吐蕃十萬衆將入寇

朝直遙翻紇下沒翻吐從瞰入聲考異曰舊

子儀傳云數十萬衆懷恩傳云誘吐京師震駭詔子儀
番十萬衆按汾陽家傳實不過十萬

帥諸將出鎮奉天

師讀曰率奉天縣屬京兆宋白曰本
醴泉縣地武后分置奉天縣以奉乾

陵在京兆西
北百五十里

上召問方略對曰懷恩無能為也上曰何

故對曰懷恩勇而少恩

少詩
沼翻

士心不附所以能入寇者

因思歸之士耳

以此觀之則懷恩將
士蓋有闕內河東人

懷恩本臣偏裨

裨
頻裨

眉
翻其麾下皆臣部曲必不忍以鋒刃相向以此知其無

能為也辛巳子儀發赴奉天 甲午加王縉東都留守

縉音晉守
式又翻

河中尹兼節度副使崔寓

使疏吏
矩翻寓于
考異曰

五月己罷河中節度今猶有副使者蓋言其前官也發鎮兵西禦吐蕃為法不一

九月丙申鎮兵作亂掠官府及居民終夕乃定吐從敝八聲

丙午加河東節度使辛雲京同平章事辛亥以郭

子儀充北道邠寧涇原河西以來通和吐蕃使以陳鄭

澤潞節度使李抱玉充南道通和吐蕃使託通和以緩吐蕃之兵吐

從敝八聲子儀聞吐蕃逼邠州甲寅遣其子朔方兵馬使晞

將兵萬人救之邠卑旻翻將即亮翻又音如字已未劔南節度使嚴

武破吐蕃七萬衆拔當狗城當狗城當白狗羌之路故以名城關中

蟲蝗霖雨米斗千餘錢僕固懷恩前軍至宜祿郭子

儀使右兵馬使李國臣將兵為郭晞後繼邠寧節度使

白孝德敗吐蕃于宜祿

將即亮翻又音如字領也敗補賣翻考異曰實錄癸巳孝德

敗吐蕃一千餘衆於宜祿生擒蕃將數人按汾陽家傳

二十六日賊先軍次宜祿然則前八日孝德豈得已敗

吐蕃於宜祿

平實錄誤也冬十月懷恩引回紇吐蕃至邠州白孝德

郭晞閉城拒守

考異曰汾陽家傳晞屢破吐蕃今從實錄舊子儀傳曰虜寇邠州子儀在涇

陽子儀令長男朔方兵馬使曜率師拒之與孝德閉城

拒守按實錄及晞傳皆云晞拒懷恩破之子儀傳云曜

也誤

庚午嚴武拔吐蕃鹽川城

鹽川城在當狗城西北隴州舊有鹽溪縣永徽

初省入保
州定廣縣

僕固懷恩與回紇吐蕃進逼奉天京師戒

嚴諸將請戰郭子儀不許曰虜深入吾地利於速戰吾
堅壁以待之彼以我為怯必不戒乃可破也若遽戰而

不利則衆心離矣敢言戰者斬辛未夜子儀出陳於乾

陵之南

陳讀
曰陣

壬申未明虜衆大至虜始以子儀為無備

欲襲之忽見大軍驚愕遂不戰而退子儀使裨將李懷

光等將五千騎追虜至麻亭而還虜至邠州丁丑攻之

不克乙酉虜涉涇而遁

考異曰實錄十月辛未夜郭
晞遣馬步三千人於邠州西斬

賊營殺十餘人生擒八十三人俘大將四人十一月乙未懷恩及吐蕃等自潰京師解嚴汾陽家傳曰十月七日公誓師曰明日有寇爾其備之及夜出兵數萬陣于西門之外廣布旗幟如十萬軍未曙懷恩吐蕃回紇吐渾等已陣於乾陵北長二十里懷恩等初謂無備欲襲之既見陣兩蕃大駭不敢戰而懷恩頃為公所馭憚公之威又遁初軍中偶語夜中出兵與鬼關耳及未曙寇已至矣軍中所以服公之先知也賊至於邠州營于北原十三日攻其東門不剋十四日橫陣於南原請戰歸等與之連戰大破之追奔數十里二十一日涉涇而還邠志懷恩寇邠涇十七日衆度邠州郭晞率衆禦之戰于邠郭我師敗之懷恩獲其陣泣曰此等昔為我兒我教其射反為它人致死於我惜哉明日引軍南出舊郭晞傳曰懷恩誘虜再寇邠州陣于涇北晞乘其半濟而擊之大破虜虜斬首五千級連戰皆捷吐蕃傳曰郭鋒於邠州西三十里令精騎斫懷恩營破五千衆斬首千

餘級生擒八十五人降其大將四人諸書載邳寧懷
戰守勝敗事各不同今從汾陽家傳以實錄參之

恩之南寇也河西節度使楊志烈發卒五千謂監軍柏

文達曰河西銳卒盡於此矣君將之以攻靈武

使疏史
翽監古

銜翽將即亮翽
下同又音如字則懷恩有返顧之慮此亦救京師之一

奇也文達遂將衆擊摧砂堡靈武縣皆下之

摧砂堡在
原州西北

靈武後周置建安縣後又置歷城郡隋開皇三年廢郡
十八年改建安為廣閔仁壽九年又改曰靈武屬涇州

進攻靈州懷恩聞之自永壽遽歸

宋白曰永壽縣屬邠
州武德元年於永壽

原置縣因
原立名使蕃渾二千騎夜襲文達大破之士卒死者

殆半文達將餘衆歸涼州哭而入志烈迎之曰此行有

安京室之功卒死何傷士卒怨其言未幾

幾居

吐蕃圍

涼州士卒不為用志烈奔甘州為沙陀所殺

舊志涼州西北至甘

州六百里沙陀姓朱耶世居沙陀磧因以為名

沙陀始見于此

十

一月丁未郭子儀自行營入朝郭晞在邠州縱士卒為

暴節度使白孝德患之以子儀故不敢言涇州刺史段

秀實自請補都虞候

虞候古候奄之職虞防虞也候候望也

孝德從之既

署一月晞軍士十七人入市取酒以刃刺酒翁

酒翁釀酒者也

今人呼為酒大
工刺七亦翻

壞釀器

壞古
贖翻

秀實列卒取十七人首注

槩上植市門

植直史翻又時力翻
元段太尉逸事狀段公家傳曰廣德二年

考異曰此出柳宗

正月白孝德授邠寧節度使七月大軍西還頗有俘掠
又以邠土經寇未暇耕耘乃謀頓軍奉天取給畿內時
倉廩匱竭史人潛竄軍士公行發掘無施掘訊問里怨
苦遠近彰聞孝德知之力不能制公戲謂賓朋曰若使
余為軍侯不令至是行軍司馬王稷以其言啟於白孝
德即日以公為都虞侯兼權知奉天縣事浹旬而軍不
犯禁逾月而路不拾遺永泰元年孝德奉詔歸邠州表
公進封張掖郡王北庭行軍邠寧都虞侯據實錄時晞
官為左常侍宗元云尚書誤也又按實錄廣德二年十
月吐蕃寇邠州孝德晞閉城拒守汾陽家傳其年九月
公使陳回光與孝德議逸事於汾州則孝德不以永泰
元年始歸汾州陳翔誤也逸事狀又云先是太尉在涇

資治通鑑

五

州為營田官涇大將焦令謏取人田自占數十頃給與
農曰且熟歸我半是歲大旱野無草農以告謏曰我知
人數而已不知旱也督責益急且飢死無以償即告太
尉太尉判狀辭甚與使人求諭謏謏盛怒召農者曰我
畏段某耶何敢言我取判鋪背上以大杖擊二十無死
與來庭中太尉大泣曰乃我困汝即自取水洗去血裂
裳衣瘡手注善藥旦夕自哺農者然後食取騎馬賣市
殺代償使勿知淮西寓軍帥尹少榮剛直士也入見謏
大罵曰汝誠人邪涇州野如赭人且飢死而必得穀又
用大杖擊無罪者段公仁信大人也而汝不知敬今段
公唯一馬賤賣市穀入汝又取不恥凡為人傲天災犯
大人擊無罪者又取仁者穀使主人出無馬汝將何以
視天地尚不愧奴隸耶謏雖暴抗然聞言則大愧流汗
不能食曰吾終不可以見段公一昔自恨死按段公別
傳大厯八年焦令謏猶存蓋宗晞一營大譟盡甲孝德
元得於傳聞其實令謏不死也

震恐召秀實曰奈何秀實曰無傷也請往解之孝德使

數十人從行秀實盡辭去選老嫗者一人

操則宦翻覺
俾亦翻跛之

甚者也

持馬至晞門下甲者出秀實笑且入曰殺一老卒

何甲也吾戴吾頭來矣

老卒秀實自謂也言戴
頭而來聽其斬之也

甲者愕

因諭曰常侍負若屬邪

邪音邪晞時帶左
散騎常侍故稱之

副元帥負若

屬邪

副元帥謂子
儀帥所類翻

奈何欲以亂敗郭氏

敗補
賣翻

晞出秀實

讓之曰副元帥勲塞天地

塞音
則翻

當念始終今常侍恣卒

為暴行且致亂亂則罪及副元帥亂由常侍出然則郭

氏功名其存者幾何

幾居宣翻

言未畢晞再拜曰公幸教晞

以道

句斷

恩甚大敢不從命顧叱左右皆解甲散還火伍

中敢譁者死

還從宣翻又音如字唐制兵五人為伍十人為火

秀實因留宿軍

中晞通夕不解衣戒候卒擊柝衛秀實旦俱至孝德所

謝不能

句斷

請改

請改過也

邠州由是無患

五谷防禦使薛

景仙討南山羣盜連月不克上命李抱玉討之賊帥高

玉最強抱玉遣兵馬使李崇客將四百騎自洋州入襲

之於桃號川大破之玉走成固

使疎吏翻騎奇計翻洋音祥又如字走音奏將

即亮翻又加字洋州古成固縣唐志洋州治興道縣即古成固地

庚申山南西道節度

使張獻誠擒王獻之餘盜皆平十二月乙丑加郭子

儀尚書令子儀以為自太宗為此官累聖不復置

復扶又翻

近皇太子亦嘗為之非微臣所宜當固辭不受還鎮河

中是歲戶部奏戶二百九十餘萬口一千六百九十

餘萬

史言喪亂之後戶口減於承平什七八

上遣于闐王勝還國勝固

請留宿衛以國授其弟曜

勝令弟曜攝國自將兵入援見二百十九卷至德元載闐

徒賢翻又徒見翻

上許之加勝開府儀同三司賜爵武都王

永泰元年春正月癸卯朔改元赦天下 戊申加陳鄭

澤潞節度使李抱玉鳳翔隴右節度使

李抱玉時以陳鄭澤潞行營兵

也京西故加鳳翔隴右節度使

以其從弟殿中少監抱真為澤潞節度

副使

從才用翔少始照翔

抱真以山東有變上黨為兵衝而荒亂

之餘土瘠民困無以贍軍乃籍民每三丁選一壯者免

其租徭給弓矢使農隙習戰歲暮都試

史炤曰謂揔閱試習武備也霍

光傳都肆郎孟康曰都試也漢制郡國以八月都試閱武備

行其賞罰比三年得精

兵二萬

比必利酬及也

既不費廩給府庫充實遂雄視山東由

是天下稱澤潞步兵為諸道最

為李抱真以澤潞兵橫制諸叛張本

二

月戊寅党項寇富平焚定陵殿

党底朗翻定陵中宗陵也在雍州富平縣西北

凡陵有寢有殿後曰寢前曰殿

庚辰儀王璵薨

璵玄宗子也音遂

三月壬

辰朔命左僕射裴冕右僕射郭英乂等文武之臣十三

人於集賢殿待制

永徽中命弘文館學士二人日待制於武德殿西門文明元年詔京官五

品以上清官日一人待制於章善明福門先天未又命朝集使六品以上二人隨仗待制時勲臣罷節制無職

事令待制於集賢殿門宋白曰是年詔左僕射裴冕右僕射郭英乂太子少傅裴遵慶檢校太子少保兼御史

大夫元志直太子詹事兼御史大夫臧希讓左散騎常侍暢瓘檢校刑部尚書王昂高昇檢校工部尚書知省

事崔渙吏部侍郎李李師王延昌禮部侍郎貫至涇王傳吳令瑤集賢待制以勲臣罷節制無職事乃於禁門書院待制間以左拾遺洛陽獨孤及上疏曰陛下召冕文儒寵之也

等待制以備詢問此五帝盛德也

上時掌制疏所句翻

頃者陛下

雖容其直而不錄其言有容下之名無聽諫之實遂使

諫者稍稍鉗口飽食相招為祿仕此忠鯁之人所以竊

歎而臣亦恥之今師興不息十年矣

鉗其廉翻玄宗天寶十四年安祿山

反至是

人之生產空於杼軸擁兵者第館巨街陌奴婢

厭酒肉而貧人羸餓就役剥膚及髓長安城中白晝推

剿廣倫為翻椎直

吏不敢詰官亂職廢將墮卒暴百揆

墮刺如沸粥紛麻

唐虞有百揆之官孔安國曰揆度也度百事揆百官此所謂百揆蓋言百

官之事也詰去吉翻

民不敢訴於有司有司不敢聞於

陛下茹毒飲痛窮而無告陛下不以此時思所以救之

之術臣實懼焉今天下惟朔方隴西有吐蕃僕固之虞

邠涇鳳翔之兵足以當之矣自此而往東洎海南至蕃

禺

吐從瞰入聲邠卑中翻

西盡巴蜀無鼠竊之盜而兵

不為解

為于偽翻

傾天下之貨竭天下之穀以給不用之軍

臣不知其故假令居安思危自可扼要害之地俾置屯

禦

令力丁翻扼與阨同

悉休其餘以糧儲扉屨之資

扉扶沸翻草僑也黃帝臣

於則充疲人貢賦歲可減國租之半陛下豈可持疑於

改作使率土之患日甚一日乎上不能用丙午以李

抱玉同平章事鎮鳳翔如故庚戌吐蕃遣使請和詔

元載杜鴻漸與盟於興唐寺

程大昌曰安國寺在朱雀街東第四街之長樂坊興

唐寺別在向南一坊開元八年造會要興唐寺在大寧坊神龍元年太平公主為天后立為閭極寺開元二十

年改為興唐寺使疏史翻載祖亥翻又音如字

上問郭子儀吐蕃請盟何如對

曰吐蕃利我不虞若不虞而來國不可守矣

不虞猶不備也

乃

相繼遣河中兵戍奉天又遣兵巡涇原以覘之

覘丑廉翻人止

翻艷

是春不雨米斗千錢

夏四月丁丑命御史大夫

王翊充諸道稅錢使河東道租庸鹽鐵使裴諝入奏事

諝私

上問榷酤之利歲入幾何諝久之不對上復問之

復扶又翻

對曰臣自河東來所過見菽粟未種農夫愁怨臣

以為陛下見臣必先問人之疾苦乃責臣以營利臣是

以未敢對也上謝之拜左司郎中諝寬之子也

裴寬事玄宗

辛卯劔南節度使嚴武薨武三鎮劔南

按至德二載收長安以武

為劔南東川節度使上皇詔以劔南兩川合為一道拜
武成都尹充劔南節度使既召入朝去年復以武鎮劔
南凡再鎮劔南前後三受命耳廣德二年考異謂東西
川非上皇詔所合者蓋至德二載分劔南為東西川是
年上皇還京師則合東西川為一道必非上皇詔通鑑
乾元元年書嚴武貶巴州實應元年書以兵部侍郎嚴
武為西川節度使廣德二年書合東西川以黃門侍郎
嚴武為節度使據通鑑所書武蓋再鎮劔南今日三鎮
劔南則是先嘗除東川乃可言三通鑑既不取新舊二
書宜不書除東川一節然言武三鎮劔南更須博考按
下卷書武用崔旰事亦以再鎮劔南耳唐書蓋
因杜甫詩有主恩前後三持節之語致有此誤厚賦歛
以窮奢侈梓州刺史章彝小不副意召而杖殺之然吐

蕃畏之不敢犯其境母數戒其驕暴

欲力贍翻吐從敵入聲數所角翻

武不從及死母曰吾今始免為官婢矣

言武驕暴以悖逆致罪禍必及

母今其死乃知免

五月癸丑以右僕射郭英又為劔南節度

使

為郭英又為崔旰所殺張本射寅謝翻使疏吏翻

畿內麥稔京兆尹第五琦

請稅百姓田十畝收其一曰此古什一之法也

史言第五琦傳

會古法以欺君琦音奇

上從之

平盧節度使侯希逸鎮淄青

侯希

逸鎮淄青始上卷上元二年使疏吏翻下同

好游畋營塔寺

好呼到翻

軍州苦之

兵馬使

使疏吏翻

李懷玉得衆心希逸忌之因事解其軍職

希逸與巫宿於城外軍士閉門不納奉懷玉為帥希逸

奔滑州上表待罪

帥所類翻

詔赦之召還京師

還從宣翻又音如字

秋

七月壬辰以鄭王邈為平盧淄青節度大使

邈皇子也

以懷

玉知留後賜名正巳時承德節度使李寶臣魏博節度使

田承嗣相衛節度使薛嵩盧龍節度使李懷仙收安史

餘黨各擁勁卒數萬治兵完城

相昔亮嗣祥史翻治直之翻

自署文

武將吏不供貢賦與山南東道節度使梁崇義及正巳

皆結為昏姻互相表裏朝廷專事姑息不能復制雖名

藩臣羈縻而已

史因李正已逐侯希逸究言藩鎮之橫復扶又翻將即亮翻朝直遙翻

甲午以上女昇平公主嫁郭子儀之子曖曖烏代翻太子

母沈氏吳興人也

吳興湖州

安祿山之陷長安也

見二百十八卷肅宗

至德元載

掠送洛陽宮上克洛陽

見二百二十一年卷乾元二年

見之未及

迎歸長安會史思明再陷洛陽

見一百二十一年卷乾元二年

遂失所

在上即位遣使散求之不獲已亥壽州崇善寺尼廣澄

詐稱太子母按驗乃故少陽院乳母也

大明宮有少陽院太子居之尼

女夷翻少

鞭殺之

九月庚寅朔置百高座於資聖西

詩照翻

明兩寺

據百高座百尺高座也唐會要資聖寺在崇仁坊本長孫無忌宅龍朔三年為文德皇后資福

立為尼寺咸亨四年復為僧寺西明寺在延康坊本越國公楊素宅貞觀中賜濮王泰泰死乃立為寺講

仁王經

所謂薩國仁王經

內出經二寶興以人為菩薩鬼神之

狀導以音樂鹵簿百官迎於光順門外從至寺

菩薩音蒲薩桑葛

潮

僕固懷恩誘回紇吐蕃吐谷渾党項奴刺

誘羊久翻

吐從暇入聲紇下沒翻谷音浴党音底朗翻刺盧達翻

數十萬衆俱入寇令吐蕃

大將尚結悉贊摩馬重英等自北道趣奉天党項帥任數

鄭庭郝德等自東道趣同州

宋白曰任數朔方舊將趣七喻翻下同

吐谷

渾奴刺之衆自西道趣盤屋回紇繼吐蕃之後懷恩又

以朔方兵繼之郭子儀使行軍司馬趙復入奏曰虜皆

騎兵其來如飛不可易也

易以致翻輕也

請使諸道節度使鳳

翔李抱玉滑濮李光庭邠寧白孝德

李光庭恐當作李光進

鎮西

馬璘河南郝庭玉淮西李忠臣各出兵以扼其衝要

此時

李光庭郝庭玉李忠臣各在本道餘皆分屯京西

上從之諸道多不時出兵李

忠臣方與諸將擊毬得詔亟命治行

治直之翻

諸將及監軍

皆曰師行必擇日忠臣怒曰父母有急豈可擇日而後

救耶即日勒兵就道懷恩中途遇暴疾而歸丁酉死於

鳴沙

考異曰舊懷恩傳曰懷恩領回紇及朔方之衆繼進行至鳴沙縣遇疾昇歸九月九日死于靈武

按長厯九月庚寅朔丁酉八日也唐厯邵志皆云九月八日懷恩死於靈州今從實錄

大將張韶

代領其衆別將徐璜玉殺之范志誠又殺璜玉而領其

衆懷恩拒命三年再引胡寇為國大患

去年及今年之寇

上猶

為之隱

偽為于翻

前後勅制未嘗言其反及聞其死憫然曰

懷恩不反為左右所誤耳吐蕃至邠州白孝德嬰城自

守甲辰上命宰相及諸司長官

六曹有尚書寺有卿監有監皆為諸司長官

於西明寺行香設素饌奏樂

徵福於佛也

是日吐蕃十萬衆

至奉天京城震恐朔方兵馬使渾瑊

渾瑊本吐蕃古成

又戶討

擊使白元光先戍奉天虜始列營瑊帥驍騎二百衝之

身先士卒虜衆披靡

先昔見翻披普彼翻

瑊挾虜將一人躍馬而

還從騎無中鋒鏑者

從才用翻中竹仲翻

城上士卒望之勇氣始

振乙巳吐蕃進攻之虜死傷甚衆數日斂衆還營瑊夜

引兵襲之殺千餘人前後與虜戰二百餘合斬首五千

級丙午罷百高座講召郭子儀於河中使屯涇陽己酉

命李忠臣屯東渭橋李光進屯雲陽馬璘郝庭玉屯便橋李抱玉屯鳳翔內侍駱奉仙將軍李日越屯盤屋同華節度使周智光屯同州鄜坊節度使杜冕屯坊州上自將六軍屯苑中庚戌下制親征辛亥魚朝恩請索城中括士民私馬令城中男子皆衣皂

索山客翻
夜於既翻

團結為

兵城門皆塞二開

一塞志
則翻

士民大駭踰垣鑿竇而逃者

甚衆吏不能禁朝恩欲奉上幸河中以避吐蕃恐羣臣

議論不一一旦百官入朝立班久之閤門不開

閤門謂
東西上

閤門也

朝恩忽從禁軍十餘人操白刃而出宣言吐蕃數

犯郊畿

操七刀翻數所角翻

車駕欲幸河中何如公卿皆錯愕不

知所對有劉給事者獨出班抗聲曰勅使反邪

唐人謂宦官為

勅使使

今屯軍如雲不勑力扞寇而遽欲脅天子棄宗

廟社稷而去非反而何朝恩驚沮而退事遂寢

劉給事立

可奪

如此且兩省官也而史失其名唐置史館何為哉

考異曰

新魚朝恩傳云僕固瑒攻絳州使姚良據溫

誘回紇陷河陽朝恩遣李忠臣討瑒以霍文場監之王

景岑討良王希遷監之敗瑒於萬泉生擒良高暉等引

吐蕃入寇遣劉德信討斬之故朝恩因麾下數寇獲竊

以自高是時郭子儀有定天下功居人臣第一心媚之

乘相州敗醜為詆譖肅宗不內其語然猶罷子儀兵留
京師代宗立與程元振一口如毀帝未及寤子儀憂甚
俄而吐蕃陷京師卒用其力王室再安朝恩內慙乃勸
帝徙洛陽欲遠戎狄百僚在庭朝恩從十餘人持兵出
曰虜犯都甸欲幸洛云何宰相未對有近臣折曰勅使
反邪今屯兵足以扞寇何速脅天子弃宗廟為朝恩色
沮而子儀亦謂不可乃止李肇國史補曰代宗朝百僚
立班良久閣門不開魚朝恩忽擁白刀十餘人而出宣
言曰西番頻犯郊圻欲幸河中何如宰臣以下蒼黃不
知所對給事中劉不記其名出班抗聲曰勅使反邪云
云由此罷遷幸之議按僕固瑒攻榆次不聞攻絳州高
暉為李日越所擒不聞劉德信所斬朝恩欲幸河中不
聞欲幸洛既云頻犯郊圻必是吐蕃後入寇
時也新書所云不知據何書今從國史補

自丙午

至甲寅大雨不止故虜不能進吐蕃移兵攻醴泉党項

西掠白水

白水縣漢栗邑之地後魏太和二年置白水縣及白水郡隋廢郡存縣唐屬同州

侵蒲津丁巳吐蕃大掠男女數萬而去所過焚廬舍蹂

禾稼殆盡周智光引兵邀擊破之于澄城北因逐北至

鄜州

宋白曰鄜州漢上郡雕陰之地後魏太和十一年置東秦州孝昌二年又改為北華州廢帝二年改

為鄜州因鄜時為名九域志鄜州東南至同州四百一

十四里澄城縣在同州北九十里坊州漢渠搜縣中部

都尉理所後魏屬鄜州管內周天和七年元皇帝作牧

鄜州於此置馬坊唐高祖因置坊州取馬坊為名九域

志坊州北至鄜州一

百一十里鄜音夫 智光素與杜晃不協遂殺鄜州刺

史張麟阮晃家屬八十一人焚坊州廬舍三千餘家冬

十月己未復講經於資聖寺吐蕃退至邠州遇回紇復

相與入寇

復扶又翻下復至同

辛酉至奉天

考異曰邠志云八月懷恩以諸戎入寇九月

月詔郭公討之師于涇陽回紇屯涇北去我十里朝恩請擊回紇郭公曰我昔與回紇情契頗至今茲為寇必將有故吾方導而問之可不戰而下也朝恩流言謂郭公與懷恩為應陰率諸軍列營渭上郭公章疏適旬不達郭公諸子在長安聞之使小將強羽以物議告郭公郭公間道入覲且以眾議聞上曰無是即日令赴涇陽懷恩驚曰郭公真長者吾比疑之誠小人也按回紇九月未至涇陽十月辛酉始至奉天丙寅圍涇陽丁卯子儀已與之盟首尾纔七日宣容有章疏適旬不達之事子儀為元帥與強敵對壘宣可棄軍入朝汾陽家傳此際亦無入朝事今不取

癸亥党項焚同州官廨民居而去

廨居丙

寅回紇吐蕃合兵圍涇陽子儀命諸將嚴設守備而不

戰及暮二虜退屯北原

涇陽之北原也

丁卯復至城下是時回

紇與吐蕃間僕固懷恩死已爭長不相睦

長知兩翻

分營而

居子儀知之回紇在城西子儀使牙將李光瓚等往說

之

牙將者牙前將領統元帥親兵說式為翻下往說同

欲與之共擊吐蕃回紇不

信曰郭公固在此乎汝給我耳若果在此可得見乎光

瓚還報子儀曰今衆寡不敵難以力勝昔與回紇契約

甚厚不若挺身往說之可不戰而下也諸將請選鐵騎

五百為衛從

從才用翻

子儀曰此適足為害也郭晞扣馬諫

曰彼虎狼也大人國之元帥奈何以身為虜餌子儀曰

今戰則父子俱死而國家危往以至誠與之言或幸而

見從則四海之福也不然則身沒而家全

子儀之審處利害而權其

輕重者如此

以鞭擊其手曰去遂與數騎開門而出使人傳

呼曰令公來

子儀時為中書令故傳呼令公

回紇大驚其大帥合胡祿

都督藥葛羅可汗之弟也執弓注矢立於陣前子儀免

胄釋甲投槍而進回紇諸酋長相顧曰是也由

酋慈翻

皆下

馬羅拜子儀亦下馬前執藥葛羅手讓之曰汝回紇有

大功於唐

謂舉兵助唐平安史也

唐之報汝亦不薄奈何負約深

入吾地侵逼畿縣

唐京都屬縣附城之縣為赤為次赤如昭應奉天醴泉等縣為次赤餘為

畿縣

棄前功結怨仇背恩德而助叛臣何其愚也

背蒲且林翻

懷恩叛君棄母

謂懷恩阻兵汾絳既而叛歸靈武棄母於汾州也

於汝國何有

今吾挺身而來聽汝執我殺之我之將士必致死與汝

戰矣藥葛羅曰懷恩欺我言天可汗已晏駕令公亦指

館中國無主我是以敢與之來今知天可汗在上都

貞

觀中四夷君長謂太宗為大可汗是後令公復摠兵於夷人率謂天子為天可汗上都長安也

此懷恩又為天所殺我曹豈肯與令公戰乎子儀因說

之曰吐蕃無道乘我國有亂不顧舅甥之親吐蕃尚唐公主為舅

甥之國復扶又翻說式芮翻

吞噬我邊鄙焚蕩我畿甸其所掠之財

不可勝載

勝音升

馬牛雜畜長數百里

畜許救翻長直亮翻

彌漫在

野此天以賜汝也全師而繼好

漫音萬又莫官翻好呼到翻

破敵以

取富為汝計孰便於此不可失也藥葛羅曰吾為懷恩

所誤負公誠深今請為公盡力擊吐蕃以謝過

為于然偽翻

懷恩之子可敦兄弟也願捨之勿殺子儀許之回紇觀者為兩翼稍前子儀麾下亦進子儀揮手却之因取酒與其酋長共飲藥葛羅使子儀先執酒為誓子儀酌地

曰紇下沒翻酋慈由翻長知兩翻酌盧對翻以酒沃於地曰酌

大唐天子萬歲回紇

可汗亦萬歲兩國將相亦萬歲有負約者身殞陳前家

族滅絕

可從刊入聲汗音寒將即亮翻相息亮翻陳讀曰陣

孟至藥葛羅亦酌地

曰如今公誓於是諸酋長皆大喜曰卿以二巫師從軍

巫言此行甚安隱

隱讀曰穩

不與唐戰見一大人而還今果

然矣子儀遺之練三千匹

遺唯季翻

商長分以賞巫子儀竟

與定約而還吐蕃聞之夜引兵遁去回紇遣其商長石

野那等六人入見天子

見賢通翻

藥葛羅帥衆追吐蕃子儀

使白元光帥精騎與之俱癸酉戰於靈臺西原大破之

靈臺漢鵠縣地天寶元年更名靈臺九域志靈臺縣在涇州東九十里舊史破吐蕃處在靈臺縣西五十里

地名赤山嶺

殺吐蕃萬計得所掠士女四千人丙子又破之

於涇州東

紇

考異曰實錄云十月吐蕃退至邠州與回紇相遇復合從為寇辛酉寇奉天乙亥回紇

以懷恩死貳於吐蕃丁丑郭子儀單騎詣回紇軍免胄與回紇大將語責以負約遂與之盟已卯回紇首領石

野那等六人來朝庚辰子儀遣白元光帥精銳會回紇兵數十人大破吐蕃十餘萬衆于靈臺縣之西原汾陽家傳曰十月八日吐蕃回紇合圍涇陽屯于北原其夜公使方面各除道二詰朝將戰明日寇又至兵甲益盛公使衙前將李光瓚等出諭之亦不受請決戰公以虜騎勁亦以衆寡不敵孤軍無救使開軍門躍一騎而出兵部郎中馬錫主客員外郎陳翊時以一騎從回紇合胡祿都督藥葛羅宰相立于陣前持滿相向公前叱之云云藥葛羅等惘然懷慙伏而請罪因與之盟吐蕃聞之夜半抽兵而逸回紇藥葛羅等遂追之公使白元光等繼之十五日至靈臺破尚結息一十萬衆十八日於涇州東又破之舊子儀傳曰子儀自河中至屯於涇陽而虜騎已合子儀一軍萬餘人而雜虜圍之數重子儀使李國臣高昇拒其東魏楚王當其南陳廼光當其西朱元琮當其北子儀帥甲騎二十出沒于左右前後虜見而問曰此誰也報曰郭令公也回紇曰令公存乎僕

固懷恩言天可汗已弃四海令公亦謝世中國無主故
從其來今令公存天可汗存乎報之曰皇帝萬壽無疆
回紇皆曰懷恩欺我子儀又使諭之云云回紇曰謂令
公亡矣不然何以至此令公誠存安得而見之子儀將
出諸將諫子儀曰今力固不敵且至誠感神況虜輩乎
回紇傳曰吐蕃將馬重英等十月初引退取邠州舊路
而歸回紇首領羅達干等帥其衆二千餘騎詣涇陽請
降子儀許之率衆被甲持滿數十人回紇曰請去甲子儀
惡心要見令公子儀曰我令公也回紇曰請去甲子儀
便脫兜鍪搶甲竦馬挺身而前回紇商長相顧曰是也
便下馬羅拜子儀亦下馬執回紇大將合胡祿都督藥
葛羅等手責讓之曰國家知回紇有功報汝大厚汝何
負約犯我王畿我須與汝戰何乃降為我一身挺入汝
營任心拘繫我下將士須與汝戰回紇又譯曰懷恩負
心來報可汗云唐國天子今已向江淮令公亦不主兵
我是以敢來今知天可汗見在上都令公為將懷恩天

又殺之今請追殺吐蕃收其羊馬以報國恩邵志曰十月二十四日回紇逼涇陽陣於郭西使漢語者曰城中誰將軍吏對曰郭令公也虜曰郭令公亡矣紹我也郭公聞之獨與家童五六人常服相詣其子晞等扣馬止之公過其手曰去使人告虜按轡就之回紇熟視曰是也下馬皆拜曰始者不知令公尚在今日降可乎郭公入其衆取酒飲之虜又請曰恐不見信願擊吐蕃以自効郭公從之回紇擊吐蕃逐之三十日敗蕃衆于靈臺殺萬餘人而去按長厯十月己未朔三日辛酉十九日丁丑如實錄所言豈有回紇吐蕃數十萬衆入京畿留十七日而寂無攻戰之一事乎當是時陳栩在子儀軍中所記月日近得其實今二虜圍涇陽及子儀與回紇盟及破吐蕃月日皆從汾陽家傳事則兼採衆書擇其可信者取之丁丑僕固懷恩將張休藏等降辛巳詔罷親征京城解嚴初肅宗以陝西

節度使郭英又領神策軍使內侍魚朝恩監其軍英又
入為僕射朝恩專將之

將即亮
翻下同

及上幸陝朝恩舉在陝

兵與神策軍迎扈悉號神策軍天子幸其營及京師平

朝恩遂以軍歸禁中自將之然尚未得與北軍齒

北軍
北門

六軍也至是朝恩以神策軍從上屯苑中其勢寢盛分為

左右廂居北軍之右矣

史言神策軍雄
盛之所由始

郭子儀以僕

固名臣李建忠等皆懷恩驍將恐逃入外夷請招之名

臣懷恩之姪也時在回紇營上勅并舊將有功者皆

赦其罪令回紇送之壬午名臣以千餘騎來降子儀使
開府儀同三司慕容休貞以書諭党項帥鄭庭郝德等
皆詣鳳翔降 甲申周智光詣闕獻捷再宿歸鎮智光

負專殺之罪未治

謂殺張麟及杜冕家
屬之罪治直之翻

上既遣而悔之

乙酉回紇胡祿都督等二百餘人入見前後贈賚綰

帛十萬匹府藏空竭稅百官俸以給之

見賢通翻
藏但浪翻

資治通鑑卷二百二十三